

NI UTWILE KONO

CWALE NA BONA

 Ha muine. Ki hande fa kukuta hape busihu cwana. Ki buitumelo haluna ni kolo ye hape cwale ya kusebeleza Mulena. Mi kasamulaho wa ku mi inisa hahulu mabaani busihu, Ni ikutwa kuli hakukoni kuba hande ku mi buluka hape nako yetelele busihu boo.

² Ne nili kwa mulaho kwani inge ni teezea muzwale wa silikani sa luna, ku Mulena, ya zwile fela kwa Indiana, ya nyungilwe ki tolo yesabisa. Ha si kaba kale mwa Shreveport haisali, mwa bupilo bwa hae. Kono na lolile, busihu bobuñwi, kuli utile kwa Shreveport, isiñi ka mota ya hae. Mi ataha ni... kamba ataha kwa sibaka sisili, kwa keleke ko ne Ni kutaza. Ki hali, kasamulaho Ni ma no kutaza ni kulapelela sicaba, ali, “Kuna ni se si ka ezahala.” Ali, yena “natile zazi lelitatama.” Mi ki hali, yena “na ziba muyaho, mo no bonahalela.” Ali, “Kuna ni—kuna ni muyaho wa kansulu fabuse bwa mukwakwa, kono na si ka kena mwa muyaho woo.” Ali, “Ne uli kwa nekuk le, mwa muyaho wa macwe macwe ono na ni malibela cwalo, ni muyaho no tomilwe fela sina cwana.” Mi haili—haili mushimani wateni ki muloli yakwanile, Ni boni litolo za hae ni kuziba kuli ki za niti.

³ Mi ki hali—mi ki hali, “Mi ka busihu bwa mafelelezo” kuti Ne “ni kutaza ni kulapelela bakuli.” Mi se Nili, “Sesiñwi si ka ezahala.” Mi kwa utwahala inge mulumo wa mushika wa pula.” Mi ali, “Sicaba sakala kuhuwa.” Mi ali, “Mushika haukuza feela, kihande,” ali “Wa utwahaliza linzwi, mi lakala kubulela.” Ali, “Kubulela kwani kwa utwahala, kuli ka yona miloho yee (mahaulo kulo kwani) kwa taha Kanya ya Mulimu, kukena mwahali, mwa mufuta wa Siita sa Mulilo.” Asika Li bona kale. U lu utwile ha lu ambola ka Zona, kono ali kuba a Libone yena luli. Mi ali, “Ki Zani fani, zataha mwa hamaulo fahalimu fani, ni kueza Liseli lani inge mo mu bonela mwa siswaniso, fahalimwa sicaba se.” Mi ali, “Ne li utwahalela fahule.” Mi ali, Na “yema, ni kubulela kuli, ‘Yoo ki yena Jehova Mulimu.’”

⁴ Mi ki hali “a hupuliswa akuza (ka kunahana ka Zona) fani Mushe abiza...sicaba kuzwa kwa Egepita. Mi se bali, ‘Mushe ha bulele, mi isi Mulimu, lukasuhana lu shwa.’”

⁵ Ki hali, “Mañi ni mañi na lobezi fafasi, mazoho a bona mwahalimu, inge bahuwa.” Ki hali “neba huwa, hape, ‘Mulena Mulimu, Na Ku lata! Na Ku lata!’” Mi musala hae amu nyunga ni ku muzusa.

⁶ Na mubona ha zamaya mwahala lipula cwale, Muzwale Jackson, mukutazi wa Methodist. Mi na katazehile maswe, kufitela ayotaha; mi abulela kuli ha na kena mwahali, na “komokile hahulu,” ona cwalo fela mwa na libonezi mwa tolo. Ha ni zibi ze litalusa. Mulena u ni patezi zona. Kono kuna ni se sikona ku ezahala, ka kubona Muzwale Jackson na lolile cwalo, ka ku muziba kuba ya sepahala, muuna wa luli—luli, mutanga wa Mulimu.

⁷ Mi Na—Na mu ziba ka kulola litolo, hataha ku na, mi Mulena ani fa toloko, neikaba fela hande ka swanelo. Mane neba, nako yeñwi, kuya kwaka kwa Arizona, nana ni tolo ya zona.

⁸ Mi u katazehile luli. U inzi ni musala hae, umu tisize. Una ni kuba me cwale cwanoñu cwale, mi nzila yana ile ka yona neli ka fulai. Nasina masheleñi akutaha ka ona, mi yomuñwi amufa masheleñi. Mi kacwalo liezahalile ka kuipitela, kuli sesiñwi si ezahalel; lwa sepa cwalo. Ha luzibi fela Mulena sa ka luezeza.

⁹ Cwale, lu itumela ku Mulena ka kupila mwa mazazi elupila ku ona, kutaha kwa Jesu kusika ezahala kale. Sina ha Ni se ni bulezi, ki nako yende hahulu mwa litaba za kale. Ni itakaleza kupila nako ya cwale kufita nako ifi kaufela, kuba . . . mwa lifasi.

¹⁰ Ni bona kwanu kwapata a luna, hape busihu cwana, kuinzi mulikana ka, Muzwale Dauch. Ni bulezi ka yena mwa muyaho kakusasana cwana. Muzwale Dauch una ni myaha ya kupepwa ye nainte-sili kacenu, ha ki mbuyoti ni yeo. U file bupilo bwa hae bobutelele kwa kanya ni tumbo ya Mulimu, nainte-sili kacenu. “Tabo ya Kupepwa” ku wena, muzwale waka! Mi Ne ni ziba, kwani, mwa sibaka sa matakanyani ko basweli kuteeleza busihu boo, ni bona ba lakaleza Muzwale Bill Dauch “Lizazi lelinde la Kupepwa.” Ki mulikana Oral Robers yomunde, babañata, utusize babañata luli mwa nzila ya Evangeli, ni lika zeñwi. Ki mulikana luna yomutuna.

¹¹ Ki tabo kubona Muzwale Mann mo, mukutazi yomuñwi wa Methodist, ya pilisizwe ni kukolobezwa ka Moya o Kenile, mi ni ka Libizo la Jesu Kreste, yaliteni moo. Ni yena, hape, ki alimuñwi wa balikani baluna uzwa kwa Indiana. Mi Ni utwisisa kuli Muzwale Hickerson uteni mo bukaufi ni yena, alimuñwi wa madikoni ba luna kuzwa kwa Jeffersonville, Indiana (basweli kuteeleza busihu boo). Mi Ni utwisisa kuli Muzwale Wheeler, alimuñwi wa madikoni babañwi uteni mo kokuñwi. Mi Hani—Hani sika mubona fela fainezi, yomuñwi ha supe munwana mi Ni ka mu lemuha; fa inezi, uinezi kwa silyo koo, eeni.

Muzwale Banks Wood, haiba wa teeleeza busihu boo, muhulwana hao naliteni mo maabani busuhu muzwale. Ne ni muboni ha Ni zwela fande, Muzwale Lyle. Paki ya Jehova; sikwata kaufela sa fetulwa. Lyle atiswa mwateni bakeñisa feela pono ya Mulena.

¹² Lyle nainzi mwa mukolo zazi lani, zazi lene li bulezwi ku yena kuli “sesiñwi” nesika “ezahala ka za zuho ya bupilo.” Na li Paki ya Jehova ya kwanile, ni yena! Kono kakusasana wani, ali kuina fani, inza shuta, mi a swala . . . Kihande, nana ni kashuto kakatuna, ka kale (mufuta wa Kentucky wani, mwa ziba) . . . katapi kakanyinyani kamiza kashuto kani. Mi ahoha fela maaka, mala ni zeñwi kaufela fande, ali nepela mwa mezi (katapi nyana fela ka nakatenge), mi ki hali, “Kihande, tapi tuwe, utapile lwa mafelelezo.” Kanto kani . . . inze ka cimbauka fa mezi, ka shwile, moyo wa ka kasheza mwa matali a mulilima.

¹³ Mi lizazi lani lisika fita kale, inge ni inzi, Na li, “Moya o Kenile wa ni bulelela kuli ‘kukaba zuho ya pupo yeñwi.’ Mwendi ku kaba ni—ni kaze ya mwana, ha Ni kutela kwa ndu, kakuli fela . . .”

¹⁴ Hane lu lika kukata bulo, Muzwale Wood ni Na, yaswel i kuteeleza busihu boo, musizana waka yomunyinyani ili musali nyana yainzi fa, ya beeelizwe ku musole yomusisani yoo. Sina haba . . . Ataha mi, ki hali, “Tate . . .” Yena musizana yomuñwi, bali, “Lu . . .” Cwale, mutu kaufela wakona kuba ni mufuta kaufela wa simunanu sa bata, kono Na hani lati kaze, kacwalo ki ha . . . kamba batili Branham. Kacwalo luna . . . ki hali, “Oh, lu fumani kaze fande kwanu, Tate. I—i—i cile ikusi . . . kuna ni ya ifile sifanu, i luluhile luli.” Ali, “Tate, i ka shwa ona fa, lunge ka pongisi nyana ni kuibuluka mwateri mazazi nyana?”

¹⁵ Se nili, “Haluboneni kaze yeo.” Kihande, ba yo itisa kaze yateni. Na bona ze ne ezahala, kacwalo baifa ka pongisi. Mi habusa, nekuna ni tukaze twa bana totu sebene kamba eiti mwateri, mwa ziba. Kacwalo mushimani waka yomunyinyani, Joe, ananula kalikañwi, ni ku ka hamula ni kukawisafafasi; mi fela—fela . . . kakaze kao kalobala fani ni kunyakaula ni kufetauha fetauha, na ka bulaile.

¹⁶ Mi se Ni bulelela Muzwale Lyle, muzwale wa hae, Se nili, “Wa ziba, ikona kuli kona kakaze ka ka kazuha kani, sina ha lubone Mulena mwa ezezanga lika.”

¹⁷ Muzwale Lyle, neli fela yomunca mwa litaba zeo. Moya o Kenile no mu bulelezi fela kuli kona hana sa nyezi fela, ni sa na ezize, ni bumaswe bwa na ezize, lika za na ezize. Kihande, na hupula kuli Muzwale Banks na ni bulelela litaba zeo. Kono cwale ha Li to mutisa ka swanelo, ni ku mu bulelela sa na ezize busihu bone bufitile, zani neli—zani neli zeñata hahulu ku yena. Na palelwa ku utwisisa.

¹⁸ Mi, habusa lelitatama . . . Hane se lu yambile busihu kaufela, ni litapi zenyinyani, neluswel i kuitusisa zeñwi kwa kushutisa. Kono yena ayumba fela katapi nyana kani mwa mezi, kafetauha, za mwamba lilabukile. Mwendi licika la hola kasamulaho neluinzi fani, mi Ne nili . . . Se nili, “Muzwale Lyle, utuhelezi tapi ye kumiza kashuto kuyofita mwa mba. Mwabona?” Se nili, “Beya

swala ya hao fa, ipose hape, bulo inge buli kwateni cwalo; ha to swala fela cwalo,” Se nili “ka swale fela mi uka tise.” Se nili, “Uka . . . usike wa ka hoha cwalo, isike ya ka miza, uswale tapi.”

¹⁹ Ki hali, “Kihande . . .” Nana ni kashuto kakatuna, ka kale inge ka obami fani, ali, “Cwana kona mo lu evezanga,” sina cwalo.

²⁰ Kacwalo, ka yona nako yani, Na utwa Sesiñwi sesizwa fahalimwa lilundu fani, kakundukundu, inge kapotoloha ni kupotoloha. Cwalo Sa taha sina cwalo, mi Moya wa Mulimu wa taha fahalimwa mukolo, wali, “Aku yeme.” Wali, “Bulela kwa tapi yeshwile. Uli, ‘Ni kufa bupilo bwa hao.’”

²¹ Mi katapi kani ne se ka kanami fani mizuzu yelikana licika la hola, ni maala a kona mwa mulomo, ni maaka akona. Se nili, “Katapi tuwe, Jesu Kreste ukufa bupilo bwa hao. Pila, ka Libizo la Jesu Kreste.” Ka fetuha ona fani, mi ka kena mwa mezi ni kuya kapili mo ne ka konela.

²² Muzwale Lyle, kana uteni mo kokuñwi? Ne—Ne ni kuboni maabani busihu. Kamba uinzi mwahali, fande, kamba kaufela kwa inezi, nanula lizoho la hao haiba Ni kona ku kubona. [Yomuñwi mwa kopano uli, “Fahalimu.”—Mu.] Ubulela cwani? Ki fa hali—. . . Oh, eehe, fahalimu mwahalimu, mwa lihaulo kwa mulaho kwani. Yani ki yena muuna wateni, Paki ya Jehova.

²³ Ki hali, “Muzwale Branham!” Na tabezi hahulu, ki hali, “Uh, ki—ki bunde kuba mo. Nji cwani?” Ki hali, “Uh—uh, kana wa—kana wa—. . . Uh, u talusa kuli zeo litalusa na, kuli—kuli—kuli, ha Ni bizize tapi nyana yani, naize, ‘U tapile lwa mafelelezo?’” Ali, “Zeo—zeo—zeo litalusize nto yeñwi kuna?”

²⁴ Se nili, “Awa, awa, ki tiisezo feela.” Na filikani ka zona.

²⁵ Kihande, lwa zamaya hamoho wabonanga lika zeo ha liezahala, ka kuziba. . . . Cwale, kunahana fela, neli kubonisa sikamañi? Nenina ni mwana yomunyinyani yana sitani mwa booko mwa mukoloko wa litapelo, inge ni mu lapelela, kono cwale pono haiyo taha neli ka za tapi yenyinyani yetelele cwana, mwendi mainci amabeli fela mwa butelele kamba amalalu. Kwa bonahala inge kashuto neli kakatuna inge tapi. Kono neli sikamañi, neli kubonisa mina kuli Mulimu wa tokomela neba lika zenyinyani hape. Mwabona?

²⁶ Zazi leliñwi ba mbingwa hane balobala mwa na ha kaufela, Aitusisa mata a Hae ni kubeya sikuto fa kota. Ya kala kuletuka, kanti nekuna ni batu bene bali kai ni kai bene batokwa mata a foliso ani. Kono, mwa bona, Na bata kubonisa kuli Nali Mulimu wa lika zoote, kamba ki zenyinyani, kamba ki zetuna, kamba ki zecwani kaufela. Yena u sa li Mulimu fahalimwa lika kaufela, pupo kaufela. Kacwalo lwa Mu lata kakuli. . . . Zeo—zeo li lufa kuziba, haiba U tokomela kubulela Linzwi la bupilo mwa tapi yenyinyani ye lobezi fani inge ishwile, fa mezi ka licika la hola, Wakona kubulela luli zazi leliñwi Bupilo mwa bana ba Hae.

Hakuna taba kamba mubili wa hao utala fela mwa luswana lwa maluli, Uka bulela, mi luka yo Mu alaba zazi leliñwi. Yena ki Mulimu Ya tokomela lika kaufela, kamukana ze lueza, kamukana ze lu bulela, lika kaufela. Wa litokomela.

Cwale ha lu inamiseñi litoho zaluna, kai ni kai.

²⁷ Ha ni bizi cwale, lusika lapela kale, haiba kuna ni yomuñwi busihu cwana ya itakaleza sika ku Yena, kono hauna malobalo a Sibaka sesiñwi ko lu ka Mubona. Mwa ziba, haukonu kutaha kusina libaka za malobalo. Mi hamusika ipumanela ona kale, kono utabela kuhupulwa mwa tapelo cwale, kuli lika kaufela li lukiswe mwahala wena ni Mulimu busihu cwana, yatabela fela kunanula lizoho la hao; ubulele uli, “U ni hupule Mulena”? Una ni...aku Mu lumeleze fela abone lizoho la hao. Mulimu, apete cwalo.

²⁸ Ndata luya yakwa Lihalimu, hanze luyemi cwana busihu boo mwahala ba bapila ni ba bashwile; mi litaba zesweli kuezahala mwa mazazi a maungulo cwana, ze komokisa, kaniti za komokisa; kono Mulimu, U ziba kuli ki za niti kamba nee, Wena u Muatuli ya lukile wa mahalimu ni lifasi. Mi lubulela cwana, Mulena, kuli lu susueze sicaba (litaba zevvi zo Lubonisize), kuli basusuezwe ka ku Kulata ni ku Ku lumela, ku Kusebeleza, ni kuziba kuli hakuna taba kamba kezo ki yenyinyani cwani, yende kamba ye maswe, Wa ibona. Na lapela, Mulimu yomunde, kuli U fuyole lifi ni lifi la mazoho ani busihu boo, ni moyo ni moya o susuelize lizoho lani kunanuha. Mi Na lapela, Mulimu, kuli bo kwateni ibe busihu tenyene kuli libaka za bona liyo fumanwa mwa Sibaka sa mwabuse bwa buka. Lumeleza cwalo.

²⁹ Folisa bakuli ni ba ba ziyelehile, Mulena, mwahali mo, kaufela kwande a naha ili ko—ko—ko kuya manzwi fa silimba ku yo punya mwa mawaile anza taha. Fuyola baba kwande ba ba si ka piliswa, ku kalela koo kwa California kuisa kwa New York, kuzwa kwa Canada kuya kwa Mexico. Lumeleza, Mulena, kuli mutu kaufela yali mwataswa manzwi a luna, busihu boo, ba piliswe kwa libi za bona, ba foliswe kwa matuku a bona, bakeñisa Kubateni kwa Hao ko Kupahami.

³⁰ Mi yena Muzwale Jackson waluna yoo, ya fufile kai ni kai mwahala limaili ze likiti zee kwanu, fa kuba mo kakuli nto yeñwi yenca i nyungile pilu ya hae; “Mi ba ka lola litolo, ni kubona lipono.” Mulimu yomunde, Wena u ni patezi zona, seo nto ye italusa; Ha ni zibi. Kono haiba Uka lu potela, Mulena, lukisa lipilu zaluna cwale kwa poto yeo. Kuli lube mwataswa libelelo, kusina kuziba So ka eza, mi kusina kuziba haiba U sepisize ku lu potela ka tolo yee; ha lu zibi. Kono luna fa—fa fela lubulela litaba ze lu utwisisa, kuli U sepisize kupotela sicaba sa Hao, mi lu lapela kuli U itibahaze ili Wena hande ku luna mo. Ka Libizo la Jesu Kreste lwa likupa. Amen.

³¹ Cwale, busihu boo, kasamulaho wa ku mi buluka nako yetelele hahulu maabani busihu ni kakusasana kacenu, mi Ni ikutwa kuba ya silezi linzwi nyana. Nina ni ka kuwani nyana ka milili ko Ninani, Na ka tinanga fa sitenda saka *fa*, ha Ni kutaza. Kono Ni ka libezi nako yee, mi moya woo, osweli kukena mwa mahaulo aa, ukala kunifa ku—ku kusileha nyana kwa linzwi. Ne ni banga . . . Ni ku kukwala mikopano, kono kuzwa fo Ni lekezi nto yani, kipeto ha Ni sa bilaezwa ka zona ni hanyinyani, Ni zwelapili fela. Mi Ni ka libezi, mi ki . . . Ni bile . . . ka mukwa wa kuikutwa cwalo, kona kuli litapelo za mina likaba ni tuso luli. Mi cwale, ze ki lisebelezo zepeli zazi ni zazi, ze kaba . . . sina za . . . Mwa ziba, hamuna ni limaili zeñata, ki . . . mwakona ku ziba.

³² Kacwale he ku mina sicaba mwa California, ni kwande a Arizona, kaufela lu luma litumeliso mwa naha kaufela. Muzwale Leo ni sicaba baba libelezi Mulena kafoo kwa Prescott, ba memilwe cwale, ni mina sicaba kaufela mwahala Phoenix, biki kuzwa busihu boo, luna ni kuba mwa Yuma kwa mukiti. Ba lekisize kale ma tikiti abona kaufela ni kuba ni muyaho omutuna, mi habakoni kukenya batu ku ona. Kacwalo mutahe kapili, mina kaufela, ku—ku to kena. Mi lu ka ya kwa Los Angeles kuzwa kwani, la Mubulo lelitaha . . . la Sunda yetaha, la Sunda busihu. Mi kacwalo lu libelela ku mibona kaufela mina kwani. Limbuyoti za Mulimu ka buñata bwa zona ku mina kaufela.

³³ Ku mina babali mwa New York, ni mina babali mwa Ohio ni libaka ze shutana, cwanoñu Ni bata ku kutaza Liñusa ka za *Nzila ya Noha* (sibatana kwa makalelo, ni sibatana kwa mafelelezo), kwa tabernakele. Billy uka mi lumela zibiso ya seo, ha lu ka ambola ka zona, kakuli Ni ezanga cwalo mwa Tabernakele kakuli ikaba, mbwesha, ikaba lihola zene kamba zeñata.

³⁴ Kacwalo he . . . kacwalo Ni bata kuli mina mo, mo ni kaufela ko muinzi cwale, kuli mu apule mwa Buka ya Jobo. Ki Buka yenca luli ya kukutaza ku yona, kono Ni bata kuitusisa fela litaba nyana zeñozwi fa cwale.

³⁵ Mi he, kamuso kakusasana, mo mwa tabernakele, ku kaba lisebelezo za Sikolo sa la Sunda kwa . . . Lu kalisa kwanu ka nako mañi? [Muuna uli, “Naini-seti.”—Mu.] Naini-seti. Mi cwale Nina ni tohonolo ya kubulela kwanu hape kamuso. Mi haiba Mulena wa lata, Ne ni bata kubulela fa tuto . . . haiba Wa itakaleza, cwale, sina ha ne Ni bala musihali woo, ku mibonisa kuli, “Kuna ni fela sibaka silisiñwi seo Mulimu aka kopana ni mulapeli.” Uh-huh, feela . . . Mi—mi ni kona ku mi bulelala sibaka sateni, ni seo Libizo la sibaka sani lili sona, koo Mulimu akopana ni mulapeli.

³⁶ Mi cwale, kamuso busihu, Ni ka kupa sishemo, foo ki kuli, kwa sebelezo ya foliso. Mi Ni—Ni bata mufuta wa foliso ya kale. Mi haiba Mulena wa lata, Ni bata kubulela fa tuto ye ni kakamalisize kacenu . . . Mi Muzwale Moore ni Na nelu

sweli kuikambota hamoho, mizwale yaka yelatwa, nelusweli kuikambota mwa Mañolo. Mi mo ne kubesi bunde kuba ni mizwale bani, sina linako za kale. Mi ki hali, “Wa ziba, Muzwale Branham, likutazo kaufela zo kile wa kutaza mwa Shreveport, *Ngunyana Ni Liiba* neli iliñwi ya mañusa a mande hahulu akile atiswa ku luna mo mwa Shreveport.” Ali, “Ni sepa kuli Liñusa la hao ki le lituna luli kacenu, hausika fita ku yeñwi ye cwalo.”

³⁷ “Ha Ni mbwinja Zeo, Ni mbwinjize Liñusa laka.” Lilato ki laka . . .

Ngunyana ye Latiwa, Mali a Hao amande
Haana kufela mata a ona,
Kufitela keleke ya Mulimu ye liuluzwi
I piliswa, ni ku sa eza sibi hape.

Kukala ka tumelo, Na bona nukana yani
Yebuba kuzwa mwa litombo za hao,
Lilato leli pilisa libile pina yaka,
Mi ikaba cwalo kufitela Ni shwa.

³⁸ Kamuso busihu, haiba ki tato ya Mulena, Ni bata kukutaza fa tuto yeñwi: *Fa Mafufa A Nkwilimba Yesweu-Twaa Sina Litwa*. Kamuso busihu, “Mulena ataha a shetumuka fa mafufa a Liiba,” fo ki kuli, haiba Mulena alata, linzwi laka halina ku sileha hahulu. Cwale . . . kacwalo, mu lu lapelele.

³⁹ Mi he Ni bata mukopano wa kale wa milapelo sina mo ne lubelanga kwa simuluho, hakuna temuho, ki kufa fela mutu kaufela kadi ya tabela kulapelelwa. Cwale, muswanela kuba ni kadi, kacwalo mube kwanu ka kuitahanelu kuli Billy amife kadi ni ku mibeya mwa sikuka. Haiba mu sa ezi cwalo, sibaka situndamena kuekezeza, ni kuekezeha, ni kuekezeha, mi hakuna mafelelezo kwa mukoloko. Mutu kaufela wakona kuba ni kadi. Ni bata kuli Muzwale Jack ayeme bukaufi ni na mwa mukoloko wa litapelo, sina mo no evezanga, ni Muzwale Brown inza tisa sicaba kuna isiñi Billy Paul. Ni—Ni—Ni—Ni bata—Ni bata mukoloko wa litapelo wa mufuta wa kale, mi lu ka lapela fela mo ne lu evezanga myaha ya kale.

⁴⁰ Ni tabile busihu boo kuba ni mulikani muzwale yali ni luna, ni talimile feela kwa maneku kaufela mi se ni mu lemuha, fa mizuzu yelikani yefitile, Muzwale Gordon Lindsay. Ki alimuñwi wa ba kale, nali ni luna linako za kale. Ueza musebezi omutuna, wa kupulinta, usweli kupulinta buka yaka cwale ya: *Masika A—A Likeleke Zesupa*. Lu sepa kuba ni yona hande hape, *Maswayo A Supa*. Haiba uka i bala asika i pulinta kale, lu kala ni ngambolo ya za milapelo. Na ikutwa fela kuli yataha. Kono u ziba kuli Na ha ni muitutiwa za bulapeli. Kacwalo . . . Kihande, lu libelezi ya kamuso busihu. Haiba uteni mo, Muzwale Lindsay, ube mo kamuso busihu. Haiba uteni, ufumanehe mwahala luna fa katala mwa mukopano wa kale wa litapelo.

⁴¹ Ki ba bakai ba batabela kubona alimuñwi wa bakale hape, ko lutisa sicaba? Ku kaba hande. Cwale, mutise bakuli ba mina ni baba ziyelehile, kamuso busihu, kwa mulelo ona woo.

⁴² Cwale, haiba muna ni Buka ya Jobo, timana ya 42... kamba kauhanyo ya 42, ni litimana za makalelo ze silezi za kauhanyo ya 42 ya Jobo; kinto yenca luli. Muzwale Ted Dudley, haiba wa utwa busihu cwana, koo kwa Phoenix, wa hupula wena ni Na hane luambola nako yeñwi, mwendi seli biki kamba zepeli kwa mulaho, mi ne lu ambola fa taba ye? Ne ni ku bulelela, “Zazi leliñwi kuli yeo ikaba tuto yaka.” Mi Ni bata kuitusisa yona busihu boo.

Ki ha alaba . . .

Mi Jobo ki ha alaba MULENA, mi ali,

Muteeleze hande kwa palo ye cwale.

Ni ziba kuli ukona kueza linto kamukana, ni kuli hakuna mulelo o lelilwe ki wena o ka haniswa ku eza.

Ki mañi yo yatisa lififi kwa milelo yaka ka kutokwa zibo? ki kabakaleo ne Ni bulela litaba zwe Ni sa utwisisi; ze komokisa hahulu ni kufita zene Ni sa zibi.

U ni utwe, Na ku lapela, mi Ni ka bulela: Ni ku buze, wena u ni talifise.

Ne ni utwile za hao ka lizebe fela: kono cwale meto aka a kubona.

Kabakaleo Ni ipona bumaswe, mi na inyaza mwa maluli ni mwa mulola.

⁴³ Cwale Ni bata kunga fa tuto fa timana ya 5.

Ne ni utwile za hao ka lizebe fela: kono cwale meto aka a kubona.

Mi Mulena afuyole Linzwi la Hae.

⁴⁴ Jobo, ha lungeni bupilo nyana bwa hae. Jobo nali mupolofita. Nali muuna yana pila kwa mulaho koo mane Bibebe isika ñolwa kale. Ku akalezwa kuli Jobo ki iliñwi ya Libuka za kale hahulu za Bibebe, kakuli ne I ñozwi Genese isika ñolwa kale. Jobo, yena mulwani yomutuna yoo ni mupolofita, neli—neli muuna ya maata luli mwa lizazi la hae. Hakuna ku kakanya kuli na hulisizwe mi na sebeleza Mulena bupilo bwa hae kaufela. Mi na pilile bupilo bo buipitezi kwa sicaba, kaufela ne bamufa likute.

⁴⁵ Kono ataha fa sibaka fa bulela fa, kuli ki *kulikiwa* ki Mulena. Kono Ni tabela kuitusisa linzwi leo, kuli “*kutatubiwa*” ki Mulena. Mi kaniti, “Mwana kaufela ya taha ku Mulimu u swanezi pili *kulikiwa*, *kutatubiwa*, *kulutwa* kwa mwana.” Mi haiba tatubo iba tata, mi lu nahana kuli itata hahulu mane ha lu sa lata kuteeleza (ku utwa), kipeto ki Hali luna “*luba bana ba mwa bunyazi*, mi isi mwana Mulimu.” Kakuli, hakuna zekona kushenyisa wa luli, mwana Mulimu ya pepilwe sincà kuzwa ku

Mushemi wa hae, mwabona, ki siemba sa Hae. Haukoni ku mu latula, uka ikana ili wena. Mwabona, una ni kutwisiso, u so lutilwe ni ku likiwa.

⁴⁶ Mi cwale, muuna yo kakuba mupolofita, nana ni litohonolo la kuamuhela sishemo sa Mulimu, kono Jobo nasina Bibele ya kubala. Yena... Bibele ne i si ka ñolwa ka nako yani, kono nana ni kutalimana ni Mulimu ka sinulo ni ka pono. Kwani neli kwa mulaho koo Bibele isika ñolwa kale.

⁴⁷ Cwale, lu fumana cwana kuli, mi lunge bupilo bwa hae neku leliñwi, fani Mulimu ha mu fuyola ni mueza kuba muuna yomutuna. Kiñi, mane neba mutu kaufela na mu kutela, neba kwa butali bwa hae, ne se bubble bobutuna. Susumezo ya hae ku Mulimu ne i mupaka kuba mutanga Mulimu, hande nde luli, kufitela sicaba si zwelela kai ni kai ku to muteeleza. Mi cwale Satani akala ku mu tama litaba. Mi kona mwa ezezanga mutanga Mulimu kaufela ya susumelizwe, Satani kamita uteni kuli afe mulatu mutu kaufela ka zemaswe za eza.

⁴⁸ Mi, cwale, lu fumana bupilo bwa hae ni miliko, ni tumelo ya hae yetuna. Neba Jesu, ha Na tile mwa lifasi, A swanisisa kwa tibelelo ya Jobo. Ki hali, "Kikuli ha mu si ka bala za pilutelele ya Jobo?" Tumelo ya libevelanga ka pilutelele kuli Linzwi la sepiso li talelezwe.

⁴⁹ Cwale, lu lemuha fa kuli Jobo, hamano fita mwa matata a hae, manyando a hae kaufela... Nana ni lubasi lo lunde, lwa zwiswa ku yena. Nana ni buiketo hande bwa mubili, ne bu amuhilwe ku yena. Lik a kaufela zana luwile mwa bupilo bo za yunda. Mi aina fa libunda la mufuse, ni siñetana, inza ñwaya limbongola za hae. Mane neba musala hae luli, abulela ka ku mu lwanisa, ki hali, "Kiñi ha u sa lwahi Mulimu, mi u shwe?"

⁵⁰ Ki hali, "U bulela inge musali wa sikuba." Ki hali, "Mulena u file, mi Mulena u ni amuhile, kulumbwe Libizo la Mulena!"

⁵¹ Cwale, Satani ataha fapila Mulimu, kakuli natahangang fapila Mulimu, ni kufa milatu Bakreste (kamba, balumeli) ka nako kaufela. Kacwalo afa mulatu Jobo ka lika zeñata, mi abulela kuli, "Jobo, libaka la na sebeleza Mulimu, kakuli lika kaufela ne li muzamaela hande." Kono ki hali, "Haiba Uka ni lumeleza fela kuba ni yena, mwa mazoho aka, Ni ka bona hande kuli a Ku Iwahe inge u Mu talimezi."

⁵² Ni bata kuli mulemuhe sepo ye lunani yeo Mulimu nana ni ku mulumeli. Mwabona? Yena u... Ka manzwi amañwi, Mulimu naize ku Jobo... kamba naize ku Satani, sina cwana, "Haukoni kueza cwalo! Yoo ki muuna ya lukile ya beilwe ka kuluka. Ki muuna yomunde. Yo ki... hakuna mutu yaswana ni yena mwa lifasi kaufela." O ki muuna ya cwani; kuli Mulimu Kasibili uka bulela kwa sila sa Hae, "Mutanga ka u petehile, hakuna mutu usili mwa lifasi yaswana ni yena." Oh! Kambe nelikaba fela muuna ya cwalo yani! Yoo Mulimu akona kuyendeka sepo yeo ku

luna! Ya ziba kuli haluna ku keluha kwa Linzwi la Hae kamba Butu bwa Hae, ka mukwa kaufela! Kupila ka swanelo, mi Uka beya sepo ya Hae ku luna.

⁵³ Cwale, Jobo nali muuna yana lwezi litaelo za Mulimu kuya ka swanelo, handende. Mi Satani na ziba cwalo, kono ki hali, “Haiba Uka ni lumeleza fela kuba ni yena, Nika eza kuli mane a Ku lwahe inzo Mu talimezi.”

⁵⁴ Kacwalo Mulimu a mu bulelela, Ki hali, “Cwale, ki yo umwa mazoho a hao, kono usike wanga bupilo bwa hae.” Mane Satani aikotolola kuya mwa na konela ku zona. Anga mulikani kaufela, ni kaufela za na luwile, bukaufi ni bupilo bwa hae, kono nasikanga bupilo bwa hae. Kono Jobo na sa swalelezi katata, nekusina kukuta mwa mulaho.

⁵⁵ Mwa bona, muuna kamba mutu hasatile luli mwa tamahano ni Mulimu, ka yona tumelo ya luli yani, ye patuluzwi yakuli “Mulimu uteni!” Hakuna sika, hakuna nako, kai kamba kai, sesikona ku kauhanya mutu yo ku Mulimu wa hae. Ni lumela kuli neli Paulusi ya naize, “Hakuna kulwana, hakuna tala, hakuna manyando, kamba libupiwa zepila, kamba lifu, kamba sika kaufela se si ka lu kauhanya kwa lilato la Mulimu le li ku Kreste Jesu.” U sweli hande ku Yena kakuli no lukiselizwe kwa Bupilo bwani.

⁵⁶ Kono Satani na hupula kuli na ka mu bondolola hanyinyani, ni ku mu ñomela mwa kañoto, kuli amueze cwalo. Kono, mwa bona, Jobo ni sinulo ya hae yepetehile ya Mulimu, ni Yoo Mulimu nali yena, ni ka mo Mulimu na mu latezi, a libelela! Hakuna taba kamba buino neboli cwani, alibelela kuli tumelo ya hae i pakiwe, kakuli na kumalezi ku Mulimu, ka sinulo. Yene Ni bulezi maabani busihu.

⁵⁷ Cwale, batu ba ba kula babali mwa tuyaho, sicaba sesi ba lihole, kamba mina ba batokwa Mulimu, ha uba ni sinulo ya mufuta o cwalo kuli u “beilwe ya lukile,” haiba luli u beilwe ya lukile ka kukupa sika so kupa, ni kulumela kuli “Ki yena Mufani wa zende ku baba Mu bata ka tukufalelo,” hakuna se sikona ku ku kauhanya kwa tumelo ye beilwe ku wena. Mwabona? Kono, pili sina ni ku patululwa ku wena.

⁵⁸ Kuna ni yana tile ha ki kale hahulu, sikuwata sa baana, babañwi ba bona ba teeleeza busihu cwana, mi ba ni bulelea, kuli... Ne ni tundamena ku ba bulelela kuli, “Zamaya kwa Kentucky, mafula ateni kwani.” Ne ni ziba kuli naliteni kwani, Ne ni a boni mwa pono.

⁵⁹ Kihande, Muzwale Demos ni babañwi nebasika ya fa nako yetelele. Kasamulaho nyana, kwa mafelelezo, se bali... Kasamulaho Texas imano taha mwateni. Mi se bali, “Cwale lu ka ya teni.”

⁶⁰ Se nili, “Ne mu lukela kuka kale kale.” Kono nebasika ya.

⁶¹ Demos ali, “Ne ni ezize mafosisa amatuna luli ku zeo, ka kusaeza cwalo, Muzwale Branham.”

⁶² Se nili, “Kambe nemuile kwateri, nemuka ikungela ona.”

⁶³ Kihande, neba sika li teeleza. Mi cwale yapili . . . mane lusika ya kale busihu bwani . . . Si—si sibaka kone luna ni sico sa musihali. Moya o Kenile wa ni bonisa mwaandala omutuna mwa mubu, mi teñi nekutezi oli mafula amañata, mi ni buñata bwateni mwa Kentucky neli fela mikomena yelikani fela ya oli kone basweli kupompa, kono ye yona neizwelela kwa mukoti omutuna. Mi se Nili, “Muzwale Demos, i kwateri.”

⁶⁴ Kacwalo ba yo abata bata. Nali, “Amuye mu yo lu bulelela kokuna—kokuna ni siliba sa oli.”

⁶⁵ Se nili, “Oh, batili! Batili! Batili!”

⁶⁶ Mwabona, ha lu itusisi mpo ya Mulimu kwa masheleñi. Batili! Batili! Na ka ni bulelela kone afumaneha, kono Hanina tuso ya yona. Mane Hanikoni neba kuba ni tumelo yeñata ya ku Mu kupa. Mwabona? Kambe Ni na ni butokwa bwa yona, Ni lumela kuli haiba Ne ni ka Mu kupa, Na ka ni bulelela. Kono pili, mwa bona, milelo ya hao ni maikuto lina ni kuba ze lukile. Una ni kuba ni mabaka a seo. Mulimu hakufi lika zeo bakeñisa fela kuli wa li kupa. Mi haukonи kukupa ka tumelo konji haiba kuna ni mulelo olukile ku seo, kuba mwa tato ya Mulimu. Mwabona, haiba ubata kuba kufola, kiñi so batela kufolela? Mwabona, haiba ubata kufoliswa, kiñi so batela kufoliswa? Kiñi so bulelela Mulimu? Kiñi sobata kueza ka bupilo bwa hao ha u so folile? Mwabona, ku lukela kuba . . . una ni kuba ni mulelo ni maikuto, mi ina ni kuba ye lukile kuya ka tato ya Mulimu. Mi foo kona tumelo fo i patuluelwa ku wena, mi Mulimu ka sishemo sa Hae se si ipitezi ubeile tumelo yani mwateni, kipeto kufelile. Mwabona? Cwale mwabona?

⁶⁷ Cwale, kuli Linzwi leo libe la niti, mizwale habayo fita kwani, bakena . . . mutangana alimuñwi aya mi atisa libunda la macwe, ni ku a lekisa, mi akuluka yomuñwi ka nzila yeo. Se nili, “Mwa bona, halina kubeleka.” Cwale kuli *sipolofita* sibe sa niti, ka liñokolwa ze mwanda kone bakata siliba baana baa, muuna yomuñwi anata fa licwe lelituna la poomoka. Mi ki kwani, mipaipi ye mianda ye ilebene ya oli mwa licika la zazi, kamba nto yecwalo; inge isa kasha fela, kuzwelela mwa liabwa tuna lani. Kono bakeñisa fela kupanga sipolofita, Linzwi lene li bulezwi kuli neiliteni kwani, neiliteni. Amañwi kaufala mane ba sa omile cwalo, kai ni kai mwa Kentucky. Tusa totulikani, ba i hamula mwateni kaufela, ya kala. Neli fela kububa kokuzwelela ku *yee*. Mwabona?

⁶⁸ Kono, bakeñisa buitati bone bukeni mwahala bona, maikuto na li a fosahalile, ku icocomeza mwa lika “za kuba ka nzila *yee*,” kanti ne ba sepisize kuli ba ka liezeza kwa Mubuso wa Mulimu, kono kwa bonahala kuli neli za bona fela. Mwabona?

⁶⁹ Mi halina kubeleka, hakuna nto ya buitati yekona kubeleka. Maikuto a hao ni milelo ana ni kuba ka swanelo, ka swanelo luli, mi ube ni tumelo, ya ku kupa. “Haiba lipilu za luna ha li lu nyazi, kipeto luna ni sepo.” Mwabona? Mwabona, luna ni kuba ni sepo. “Ni bata taba ye kuba kwa likute ni kanya ya Mulimu.” Kipeto tumelo iba—iba ni nzila ya kuzamaya ku yona; haiba haibi cwalo, kipeto una ni tumelo ya mwa toho, ya kuinahanelu feela, mi isi tumelo yezwa ku Mulimu. Tumelo ya butu fela yeo hakuna ko ika kuisa. Yakona kukubeya mwa maikuto fela, kono haina kukufa foliso yo bata.

⁷⁰ Kacwalo, Jobo, aitatuba ka kuba ni tumelo ya niti yakuli Mulimu na mufile kuba ya “lukile,” kuli na ezize lika kaufela za na tokwa Mulimu kuli aeze. Cwale ha lu ka lapelelwa, kwa matuku a luna, Ha ni zibi haiba luezize lika kaufela zeo Mulimu atokwa kuli lueze. Kikuli lu latelezi towati kaufela ya Mañilo njí? Kikuli lu Mu file lipilu zaluna ni bupilo kwa sebelezo? Ki libaka mañi lo batela kufolisezwa? Kona libaka hamusa koni kuba ni tumelo yeñata, mwabona, kakuli mwendi ha u si ka eza nto ye ku Mulimu ka swanelo kuzwelela kwa pilu ya hao. Sina Hezekia mwa na ezelize, kufa Mulimu libaka, na bata kutoma mu—mu mubuso wa hae ka swanelo. Mi Mulimu alumia mupolofita wa Hae ni ku mu bulelela, mi uka foliswa. Mwabona? Kono, una ni kuba ni lika zeo hande, pili.

⁷¹ Konakuli hautaha mwa libaka zee ni kuziba kuli li patuluzwi ku wena ka Linzwi la Mulimu, ka sinulo, ka Linzwi leo Mulimu abata kuli u eze, kipeto una ni tumelo, tumelo ya luli.

⁷² Cwale, sina Abrahama hanali ni myaha ye nainte ni naini ya kupepwa. Na lumela, Genese 17. Mulimu abonahala ku muuna muhulu yoo, cwale, nainte ni naini myaha ya kupepwa, hanali bukaufi fela ni mwaya ye mwanda ya kupepwa, yana libelezi fa sepiso myaha yee kaufela. Abonahala ku yena ka libizo la *El Shaddai*, yena “wa-Mazwele.” Mi ha ki susuezo ni yeo mo neibezi, ibo sepiso ne i si ka talelezwa ka nako yani. Kono, “Abrahama, Kina Mulimu Yamata kaufela, *El Shaddai*, ‘Mufani wa mata, yena Mulimu wa Mazwele.’”

⁷³ Sina ha Ni mi bulelezi, sina mbututu yomunyinyani ya katazeha, ni kukula, ni kulika, mi ulobala kwa lizwele la mahe. Ni kuanya mata ahae kuzwa ku mahe, kakuli ukuliswa ka nako yaswelil kuanya, kakuli sibaka fela sanani mi sa ziba ki lizwele la mahe. Hakuna mulyani wa ziba. Mwakona ku mufa mulyani, uka huwa fela ni kulila. Mu mutabe ndonga kwa lizoho, mi uka lila fela. Kono nzila fela yakona ku kuliswa ka yona ki lizwele la mahe.

⁷⁴ Mi ki Hali, “Abrahama, u supezi, mata a hao a yongile, mazoho a hao a kokonyani, buuna bwa hao bu nyanile, kono ki Na Maho. Swala fela kwa sepiso ya Ka, mi ukuliswe haunzo libelela. Aku katuluhe!”

⁷⁵ Cwale, cwalo kona mulumeli kaufela, hakuna taba kamba kansa i kusweli cwani, butelele bwa nako yoinzi mwa sipula sa mawili, yeñwi ya lika zeo kaufela, haiba fela uka kona kuswala sinulo yezwa ku Mulimu! Mi u kuliswe, ka kuziba kuli li ka ezahala, kakuli tumelo ilibelela ka tibelelo kwa sepiso. Mwabona?

⁷⁶ Jobo na ziba kuli nali ya lukile. Ha lu batisia, mo mwa Mañolo, kuli nekuna ni... balikani ba nebatile ku yena; ba siemba sa keleke ya habo. Kaufela ze ne bonahala bunde ku yena za mu fetuhela, ni kulika ku mu tama litaba kuli ki muezalibi wa kwa mukunda, kauli lika ze kaufela ne li mu ezahalezi. Mu utwa sicaba, ni kacenu, bali, "Ne ni ku bulelezi. Mu mubone koo! Wa bona cwale...?" Yeo mane ha ki niti. Fokuñwi ki Mulimu ya likanga sicaba sa Hae. Mwa taba mo, neli Mulimu yana lika Jobo, muuna yomunde hakalo ku bene bali mwa lifasi ka nako yani. Cwale, Na musweli ka nako yani, kakuli Na ziba kuli Jobo neli mupolofita yana na ni pono kuzwa ku Mulimu, kuli na ezize fela hande za na mu bulelezi Mulimu kueza mi na... Mulimu na tamehile kubuluka sepiso ya Hae ku yena.

⁷⁷ Oh! Bakreste kaufela bana ni kuba cwalo. Ha kutaha butata bwa mafelelezo bwa bupilo bwa luna, ni lifu li lukama fa mumizo, niteñi luswanelu ku swalelela ka tundamo ni kuhupula kuli Mulimu naize, "Ni ka ku zusa ka lizazi la mafelelezo." Mwabona? Ba lukela kuswalelela ku zeo—zeo, ili bupaki bwa luna, sibaka sa luna ku Kreste, sibaka sa luna, seo luli sona, ka kuziba kuli lubulukile Linzwi kaufela la taelo ya Hae. "Bana ni mbuyoti baba ya ka litaelo za Hae kuli babe ni kabelo ya kukena mwahali." Mwabona? Mi ha lu ziba, kuli hakuna taba kamba mutu ubulezi sikamañi, luna lu bulukile taelo kaufela yeluboni mwa Bibele, zeo Mulimu alu ezelize... za lu bulelezi kuli lueze, ka likute, ni lilato, ni likute ku Mubupi Yana ñozi Bibebe.

⁷⁸ Lu li, "Mutu ki yena ya Li ñozi."

⁷⁹ "Baana ba kale, ne ba zamaiswa ka Moya o Kenile, hane ba I ñola." Mwabona? Mwabona, Mulimu ki yena yana I ñozi ka mutu. Sina mupolofita ya bulela Linzwi la Hae, ha ki linzwi la mupolofita, ki Linzwi la Mulimu, mwabona, kuya ka mupolofita. Leo kona libaka Halina ni kuezahala, haiba luli ki Niti.

⁸⁰ Cwale, lubona muuna yomutuna yoo. Mi, muhupule, Jobo nasina Bibebe ya kubala mwa lizazi la hae. Batili! Feela na zamaile ka susumezo. Nali mupolofita ku bao Linzwi la Mulena ne litaha. Na—na lukela feela ku susumezwa, kakuli na ziba sibaka sa hae kuli na li mupolofita wa Mulimu. Cwale, nto fela inosy yene na ni kuezahala, neli kuli susumezo i mu tahele. Mi cwale na ziba za na bulela kuli ne lika ezahala, kakuli neli ka susumezo.

⁸¹ Yeo ki yona keleke, haiba i mwa mulao hande (haiyemi hande ka mulao), yona fela... ina ni lisipi ze lukisizwe, zeitokwa fela

ki mata. Busihu boo, haiba lukaba ni lisipo hande, lubeye lipilu zaluna hande, lika zelukona kueza, lu latelele Linzwi kaufela, lu Mu latelele mwa kolobezo, ku Mu latelela mwa mulao kaufela Wa lu bulelezi mwa kuezeza, lubeye lisipi kaufela ka buitukiso, ni kuyema fani; kipeto luitukisize kuli mata atukiswe, mi ki Mulimu fela yakona kueza zeo; mi zeo lina ni kukena mwa lipilu za mina ili tumelo ye bulela kuli, "Ni folile cwale." Kipeto hakuna shutano kwa likezahalo zebateni, mu folisizwe kupale kumane; kakuli ki tumelo, ka tumelo mu folisizwe.

⁸² Nana ni muzamao wa kuambola ku Mulimu, wa na amuhezi ka susumezo. Nana ni mukwa wa kuzwela fande ka ona, ni kulumeleza Mulimu kukena mwahali. Mi na ziba kuli na beilwe ya lukile. Neli mpo, neli mpo kwa sicaba; isiñi ku Jobo, kono kwa sicaba. Zeo ki zona mo liinezi limpo za Mulimu, kwa kupilisa sicaba sa Mulimu. Ha ki mutu kaufela ya tomilwe kuba mupolofita. Mina kaufela haki...ha mu si ka fiwa ku lapelela bakuli. Kaufela bona ha ba si ka fiwa kuba balisana, ni zeñwi cwalo. Kono ki muzamao o Mulimu akwaluzi ku bona. Mi kuswana sina mo ne lubezi ni zona mwa tuto ya kakusasana, kuli na... Mutu alimuñwi hana musebezi wa kukena mwa muzamao wa mutu usili, hakuna taba kamba utozizwe cwani, kamba libonala cwani, kuba zende...Ki ba bakai bene baliteni mwa mukopano kakusasana kacenu? Haluboneñi mazoho a mina. Mwabona? Mwabona, hamukoni.

⁸³ Ki yani fani Davida, yana susumelizwe hahulu mwa na ka bela, sicaba kaufela inge sihuwa ni kulumba Mulimu, ka libaka lene libonahala hande ka Mañolo, kono nali mutu ya fosahalile. Susumezo yani neilukela kutaha ku Natani, isiñi ku Davida. Mwabona, mane nasika buza Natani. Mwa bona ze ne ezahalile? Mwabona, luna ni...Mulimu ubulezi kuli Yena "hakuna sa ezanga konji A Si patululele kwa batanga ba Hae bapolofita."

⁸⁴ Mi Jobo neli yena mupolofita mwa lizazi lee. Cwale, nto fela Mulimu yana ezize ku Jobo: Sene si muwa butali kamita ni Linzwi la Hae ni susumezo, nekusina susumezo ya na amuhelanga. Kono na ziba libelekiso za hae kaufela (na sa file sitabelo sa kucisa, na sa ezize lika kaufela za na ziba kueza ka swanelo), kono na sa amuheli linzwi ku Mulimu. Kono diabulosi na sa mu shenyisi! Ki fo he cwale.

⁸⁵ Cwale, ki fo he cwale ha u lapelezwi. Ha ulukeli kumata mata mwa mukoloko, kamba ku yo nga mutu kuli akulapelele. Ha u ziba kuli uezize hande za ku bulelezi Mulimu kueza, mwabona, kipeto libelela muzamao wa susumezo wani kukwaluha ku wena, mi, "Cwale Ni folile!" Ha i wela mwateni, kipeto ku felile. Oh, hamutokwi mikoloko ya tapelo, hakuna sesiñwi, ku felile! Se li patuluzwi ku wena! Mwabona?

⁸⁶ Kuswana fela sina mupolofita wa kale kwa kutaha kwa Mulena Jesu, lu fumana cwana kuli ne li patulezwi ku yena,

muika wa kale, kuli “nasike kubona lifu kufitela abona Kreste wa Mulena.” Mi a lumela Cwalo, mi libeleta ona Zeo. Mi sicaba ne si hupula kuli na lyangana, muuna muhulu na sa sitani mwa booko. Kono na sa I lumela! Hakuna sene si ka mu shenyisa kuzwa ku Zona, na ziba kuli Mulimu na Li patuluzi ku yena, kakuli Bibebe iize, “Ne li patuluzwi ku yena ka Moya o Kenile.”

⁸⁷ Simioni ha taha mwa Tempele ka muzuzu wani, akena ni kufa tumbo ku Mulimu, mi ali, “Tuhela cwale mutanga Hao a izamaya mwa kozo.” Ha to nanula mbututu, “Meto aka aboni kupiliswa kwa Hao.” Mwabona, na ziba kuli na ka I amuhela. Hakuna taba kamba neli limbututu zekai za na bonanga ka zazi, na ziba kuli Mulimu na mu patululezi kuli na ka bona Kreste asika shwa kale. Simioni na lumela cwalo.

⁸⁸ Cwale ha li patuluzwi ku *wena*, kuli wena kasibili u amuhezi sepiyo ya Mulimu; susumezo, mina kakuba Bakreste, i mi potezi, mane hamutokwi neba mukoloko wa tapelo. Taba yateni... nto inosi fela yo tokwa ki pilu ye kwaluhile foo libelekiso ha li lukile, ni kulumeleza susumezo itahe, mi he hakuna zekona kucinca ngana ya hao; una ni yona. Kwanda seo, hakuna kuba bunde.

⁸⁹ Cwale amulemuhe, Jobo na tokwa muzamao wa susumezo, na i kwaluzi. Nana ni muzamao wa kuambola ni Mulimu, ka susumezo ya Hae. Nana ni nzila ya kuitamaisa ili yena kuzwa mwa sibaka ni kulumeleza kuli Linzwi la Mulimu litahe mwahali. Mulemuhe kuli moneba—mone batezi ku to mu buza bakwa Upa ni kwa Wiko, sicaba sa mu bata kakuli baziba kuli sana bulezi Jobo neli yona Niti. Ne baziba kuli muuna yani na bulela Niti. Kakuli, sa na polofitile, kona sene si ezahalile! Mi kacwalo sicaba bazwa kwa Upa ni Wiko.

⁹⁰ Na bulezi kuli ukaya kwa misika, bana ba malena kuzwa kwa Upa nebaka mu kubamela, ka ku utwa fela linzwi li liliñwi la susumezo kuzwa ku yena, butali bwa hae bobutuna mi bo bu mata, kakuli neba ziba kuli muuna yani na lukile. Na sa lati kuikuhumusa ka za hae, nasina licapu za kuloza, nasina mihala ya kuhoha, nali fela mupolofita ya lukile fapila Mulimu. Mi nebana ni sepo ku yena, mi mutu ni mutu yanazwa kwa Upa ni Wiko ku to ambola fela ku yena fa nako nyana. U bulezi za yona, mwa Bibebe moo. Kono, mwa bona, nasina susumezo ya ku mu bulelela kuli ze kaufela neli zañi. Mulimu ali lumeleza kuezahala, na si ka mu bulelela.

⁹¹ Mi, zazi leliñwi, lu fumana cwana kuli, yani neli yona nako yateni... Mañi ni mañi, haibile fela wakona kubatusa, “Ku lukile.” Kono haba bata ku kanana ni wena, kona fo kutela butata foo. Kono yena fela anosi na lukile; kunjunjula kwa tumelo, ka kuutwa Linzwi la Mulimu ha li ambola ku yena, na ziba kuli Neli yona Niti. Eeni, sha! Na ziba Linzwi la Mulimu. Hakuna yanakona ku mu lyanganisa kuzwa ku Zona, kakuli na ziba Cwalo. Ki... Kono nako kaufela haiba... kuna ni se

si patuluzwi ku wena, mwendi ki kushutana nyana ke ze ba nahana batu . . . Cwale, Ni bulela ka mayemo a bapolofita. Haiba ki Mulimu ya patulula sika, ili kuli, haiba kuna ni kunutu yezwa ku Mulimu kuli izibahale kwa sicaba, haiba kutaha ka sikolo sa bukutazi, haina kutaha ka sikhata sa batu, neisika taha cwalo. Kamita ikana iba cwalo, kunani, ka mutu alimuñwi, ki mupolofita! Amosi 3:7, mwabona, “Mulena ha ezangi sika konji pili A Li patulele kwa batanga ba Hae bapolofita.”

⁹² Mi, cwale, Jobo na nani ni sesi fosahalile ku yena, kono nasina susumezo ku yena, mi ne li mu kataza, mi sani . . . hauba mwa butata bo bucwalo, foo kona sila fa kenela ku mulikani kaufela, mane, yo nani. Mi ba kala ku mu tama litaba. Oh, ne i lukela kuba nto ye utwisa bumaswe kuli balikani ba hae ba mutameleze, Satani ki haya yena kasibili kuyo kopana ni sila. Foo kona Satani fa tahelanga, “Ni lumeleze ni be ni yena, mi Ni ka eza hande kuli a Ku lwahe Unzo mu . . . Ni ka eza kuli a latule Liñusa la hae. Ni ka eza kuli a Ku lwahe. Ni ka mu kutisa mane abulele kuli ‘Ne li fosahalile.’” Mi ki ha mulika ka lika kaufela zana kona, kaufela za muuna yomutuna yani ni balikani bana banga ni bona. Kono Jobo ayema ni mahutu a mbyatamani, kakuli na ziba kuli na utwile Linzwi la Mulimu!

⁹³ O Mulimu, lutuse, kamuso busihu, kuli Ni pamule yani yakuli *Mafufa A Nkwilimba*. Ne ni utwile Linzwi la Mulimu lene libulezi nto yeñwi, mi ika ezahala ona cwalo! Ka kuswana fela sina lika zeñwi ze ezahalile zee, lika ezahala!

⁹⁴ Cwale, Jobo na ziba kuli ne li ka ezahala. Mi na ziba kuli Mulimu na mu bulelezi cwalo, kuli na “lukile.” Kono ba mubona kuba muezalibi, kacwalo a libelela susumezo. Satani ka kukaena mwahala zona si—si sicaba mi ataha mwahala ba . . . baombaombi ba hae, mo luka ba bizeza, ni ku mu tameleza, kono ne li si ka mu shenyisa ni hanyinyani. Kono cwale Linzwi la Mulimu haliyo zibahala ku yena . . . Na sa utwile ku Mulimu ka ku utwa kwa zebe, kono zazi leliñwi na inzi fande fa sibaka sa mwatasi hahulu . . . Mi ha nainzi fani cwalo, ni mutu kaufela inza mu tameleza, neba musala hae na mu bulelela kuli na “fosize,” na iñwaya fa limbongola za hae. Mi Elihu ataha ku to mu omanya ka kuba ya itata, ka nzila yana bilaelela Mulimu ka yona ni zeñwi cwalo.

⁹⁵ Mi cwale ka nako yana kona fo i mu tahela susumezo, kona fo ne lukalezi kumonyeha lumonyi, mishika yakala kuluma, fani kona susumezo fo i natela mupolofita, mi ki ha nanuha, mi ali, “Ni ziba kuli Muliululi waka wa pilal! Mi ka lizazi la mafelelezo Uka yema mwa lifasi. Niha likokwani za mubili li ka sinya mubili woo, ibo ku ona Ni ka bona Mulimu, Yo Ni ka iponela ili na.”

⁹⁶ Na boni . . . Na sweli kuambola za likota, bupilo bwa limela, mo li shwela ni kupilela hape; mezi kona alikutisa hape, munko wa mezi, munko wa mezi, bakeñisa kubateni kwa mezi a suluhela

fa kota kamba nto yeñwi, peu yene keni mwa mubu. Ki hali, “Kono mutu ha lobala ni kutimela, bana ba hae bato mubona kono hakuna za lemuha. O kabo Ka ni pata mwa libita” (Jobo 14) “kufitela buhali bwa Hao bufela.” Ki hali, “Kono haiba mutu ashwa, kana uka pila hape? Linako za kupila kwa ka kaufela, Ni ka libeleta kufitela cinceho yaka itahe. Wena uka ni biza, mi Ni ka alaba. U ni tomezi milulwani ye Ni sa koni kusila,” ni zeñwi cwalo. Na ziba lika ze kaufela. Na talimezi kona mo ipilela, kono ki sikamañi se si ezahala ku mutu ha shwa? Na sika zuha hape. Kacwalo, Mulimu na mu bonisa Muliululi yoo.

⁹⁷ Na bata kubona haiba nekuna ni mutu yana ka mu lapelela kwateni. Na sa lapelezi batu ba bañata hahulu, kono cwale kana kuna ni yakona ku mu ambolela kwateni? Kana kuna ni yana ka supa Jobo lizoho, kamba ku mutu wa sibi ni Mulimu ya Kenile, ni kutamahanya hande nzila? Kana na kaya kwa ndu ya Hae mi angongote fa sikkalo? Kikuli Na ka kwalula sikkalo ni ku ambola ni yena fa nako nyana?

⁹⁸ Kono, he, haiba susumezo iwela mwa pilu ya hae, kona kuli na boni Mulimu. Mamonya a benya, mishika i sa luma. Mi hamano monyeha cwalo, ayema ka mautu, mi ki hali, “Na ziba Muliululi wa ka wa pila! Muliululi waka wa pila, mi ka lizazi la mafelelezo Uka yema mwa lifasi.” Mwabona, na sa kalile kubona muzamao wa Mulimu kwa tumelo ya hae.

⁹⁹ Cwale, haluzibi haiba lukona kubona Mulimu. Kana kuna ni nzila yelukona ku Mu bona kayona? Cwale, neli yona nzila fela inosi yana nani Mulimu, kulika kuisa Jobo fande. Ki hali, “Ni utwile za Hao, ka kuutwa kwa zebe, kono cwale Na Kubona. Kono cwale Na Kubona, ka meeto aka.” Pono ya ze sa bonahali kuba patalaza. Naboni lilu ha li pikuluha pikuluha, a utwa kumonyeha kwa lumonyi, kamba a bona. Ni kubona kupikuluha kwa mushika, mwendi neli ka lizazi lelisile hande, mi abona Mulimu yanali mwa lilu lani ni mwa lumonyi. A bona Mulimu, ka liito la hae la nama. Mwabona, kakuli ze sa bonahali nelito bonahala. Pono ye iponahaza ya babañwi ya to bonahala, hande, kwa liito la nama.

¹⁰⁰ Kuswana fela sina tumelo yesina misebezi, sina hane luambola maabani busihu. Abrahama, nasina...na nasina Bibele ya kubala mane, kono nali mupolofita, pono ya hae ni tumelo. Mi za bonahala kufosahala ku babañwi kuli anahane ka nzila yeo, kuli a nahane kuli nebakaba ni mbututu. Kono ne batiloba ni mbututu, kakuli pono ya hae ka za mbututu neli zona zana ambola ka zona, “Ni kaba ni yena! Ni kaba ni yena!” Kono cwale mbututu ha yo pepwa, kipeto batu babañwi babona ka meto za na boni mwa pono. Mi haukala kueza lika ka mo lumelela mwa pilu ya hao, mi kipeto sicaba si ka ziba Mulimu, ni kuziba ze ezahala ku wena, ka mukwa oeza ka ona. Kona mo bonela Mulimu ka liito. Kono ku yena, kaufela za na ezize neli zende, kaufela zana ezelize babañwi, natokwa mutu wa ku

mu lapelela. Mi kupepwa kwa mbututu kwa taha, Isaka, ki—ki susumezo yene mu isize ku se yene mu pakezi pono yateni kuisa koo sicaba sikona kubona kuli sa na boni mwa pono neli Niti yetezi.

¹⁰¹ Cwale, linako zeñwi kunyungana kokutuna kwa tumelo kwa nekutile ka nako ya butata. Kamita ki butata bo bu lu kenyanga mwa litaba zee. Neli butata bone bu keniyize Jobo ku zeo. Kiñi, nali kwa mafelelezo a bupilo bwa hae. Bana ba hae ne ba shwile; likamele za hae. Ni lifa za hae kaufela zayunda ni kusinyeha. Mi bupilo bwa hae tota, atotobela kuzwa kwa mushukwe wa toho ya hae kuisa kwa lingandi za mahutu a hae ni limbongola feela. Neli butata, kuli a katazeha, fani kona fo i mu tahela susumezo.

¹⁰² O baana ni basali, busihu boo, kambe nemuka talima kwa ni kwa ni kubona mo lubezi bukaufi ni Kutaha kwa Mulena. Wena ya kashelize kwahule kolobezo ya Moya o Kenile. Wakona kutiyela fa maikuto amañwi, kamba nto yeñwi yo ezize yeo Satani akona kulikanyisa, mi haukoni kuba ni Moya ku wena kuli ukene mwa lisepiso kaufela za Mulimu. Kukonahala cwani kuli mutu yaipapata kuba ni Moya o Kenile alatule Linzwi la Bibeleyee, kuli, “ha i si kaluka”? Haukoni kueza cwalo!

¹⁰³ Hakuna taba kamba u wa bulapeli cwani, kamba ufumaneha wa likeleke zekai, kamba ki libuka zekai zena ni libizo la hao, haiba Moya o Kenile wa niti wani u ku wena (ili lona Linzwi le li bona halile lee), uka bona Liñusa ni hola, kakuli ki Moya o Kenile o eza lika. Kono ku lukela kuba ni sesiñwi sesi bubebe, susumezo ika ku kenela. Mi hiaba kuna ni... haiba usela mezifafasi, fazafasi, fazafasi, mi kusina peu mwa mubu kuli asuluhele teñi, ikona kumelisa cwani sika kaufela? Hakuna sika mwateni sesikona kumela. Fo kikuli, Baketwa ba Mulimu ba ka Li bona.

¹⁰⁴ Baketwa ba Mulimu nebali Liboni mwa nako ya Nuwe, nako ya Mushe, nako ya Jesu, nako ya baapositola, nako ya Luther, nako ya Wesley, nako ya Pentekota, kakuli yani neli Peu yeneli mwa lifasi susumezo ye ha i suluha. Cwale susumezo hainze i suluha cwalo, ili ku kopanya Munyaliwa hamoho, ki bao fela baba Ketilwe ku I bona. Jesu naize, “Na itumela ku Wena, Ndate kuli U patezi litaba ze kwa meto a babutali ni ba ngana, ni ku Li patululela kwa limbututu zekona ku ituta.” Cwale, susumezo ina ni kunata fateni.

¹⁰⁵ Cwale, susumezo ha i mu tahela, kona yene kondisize litaba. Aba ni Yona ka nako yani! Cwale, lu fumana kuli, kwataha nako ya butata boo hakutaha butata. Mi mutualima kwa ni kwa, mutualime fa buino boluli kubona kacenu. Kana ha lu pili mwa nako ya Sodoma ni Gomora ya cwale? Hanili lifasi li kutile? Lani neli lifasi la Bamacaba lene li sinyizwwe ka nako yani, ka mulilo. Hanili Jesu naize, ku Muhalalehi Luka, kauhanyo ya 17, ni litimana za 28, 29, ni 30, kuli, “Mo ne kuinezi mwa mazazi a Sodoma, kona mo kukabela ka kutaha kwa Mwana mutu, foo

Mwana mutu ha patuluwa”? Cwale kinto mañi “kupatululwa”? Ki kunutu ye zibahalile, ki sinulo; ki kupatululwa kamba ku zibahalisa kunutu.

¹⁰⁶ Cwale, litaba zepatilwe mwahala masika a likekeke kaufela za patululwa cwale, za zibahala. Cwale, lwakona kubulela lika, mi haiba Mulimu ha li yemeli, kipeto ki mafosisa. Mwabona, Mulimu hatokwi mutu kutoloka Linzwi la Hae, Yena ki Mutoloki Yena Tota. Na ize, “Mwalanjo uka itwala,” mi kiha itwala. Na ize, “Ha ku be liseli,” mi laba teni. Mi ha lu pili mwa lusika lwa Luther, lusika lwa Wesley, kamba lusika lwa Pentekota. Lusika lwa ba Pentekota neli fela ku kutiseza kwa limpo kukutela mwa keleke, kono lupila mwa nako ya manzibwana, lupila mwa nako ya kubiziwa kwa Munyaliwa.

¹⁰⁷ Mi ona cwalo fela mo ne kubezi tata kuli Makatolika babone Luther, ni baha Luther kubona Wesley, ni ba Penteko-... baha Wesley kubona lusika lwa Pentekota, kona mokubezi tata ni kwa Mapentekota kubona lusika *loo*. Kamita kubile ona cwalo, kakuli Li sululelwa fa Peu ye Ketilwe, mi ona seo feela. Ki sona se iluta Bibele. Habakoni ku Li bona, Jesu mane na ba lapelezi, ali, “Nebali libofu, ne ba si ka ziba cwalo.” Sinulo ya lu bulelela, mwa lusika lwa keleke ya Laodesia, ha Na lelekezwi kwande a keleke, kuli ba “mapunu! babotanile! banyandile! libofu! mi ha ba zibi.” Kukuta hape, habakoni ku Li bona, habakoni ku Li utwisisa. Ba tamahani hahulu mwa lizo!

¹⁰⁸ Kono muhupule Linzwi la sepiso la Mulimu ka mulomo wa Jesu Kreste, yena Mulimu yaswana yana bulezlika mane zaaba teñi, Nali yena ya Naliteni kusikaba kale mutomo wa lifasi kuli abulela Manzwi akuli, “Ha ku be,” mi kwaba cwalo. Kakuli Na ize, “Na li mwa lifasi, mi lifasi ne li ezizwe ka Yena, mi lifasi ha li si ka Mu ziba. Kono baba Mu amuhezi kaufela, U bafile mata akufetuhu kuba bana ba Mulimu.” Yena Mubupi luli, ni yena Mubupi Kasibili, Ha na zusize Lazaro kwa bafu, Na ize, “Musike mwa nahana kuli kinto yenca, kakuli hola yataha yeo kaufela babali mwa mabita ba ka utwa Linzwi la Mwana mutu, mi ba zuhe.” Yena Mulimu ya naize “Ha ku be Liseli,” naize “Linzwi la Mwana mutu li ka zusa babali mwa libita.” Lina ni kuezahala mwa mwaha wateni. Na ize, “Ha kube muuna ni musali,’ ni zeñwi cwalo,” ni ze kaufela, myaha ni mianda anda ya myaha li si ka ezahala kale.

¹⁰⁹ Susumezo ya wela mupolofita Isaya, ki hali, “Ku luna lupepezwi mwana, mane lufilwe wa mushimani. Libizo la Hae lika bizwa Muelezi, Mulena wa Kozo, Mulimu ya Mata, Ndate wa kamita.” Myaha ya fita, likweli, myaha, mazazi, libiki, myaha ya taha cwalo, mianda anda ya myaha ya taha cwalo. Myaha ye mianda ye eiti kasamualaho, Emanuele a pepwa ka mwalanjo! Kiñi? Kakuli ne li bulezwi ka milomo mupolofita wa Mulimu, peu ya mela cwalo. Mwabona? “Mi yona hola tuna yani,” ali, “kikuli uka baka . . . mu Ni kupa pono kamba sisupo.”

¹¹⁰ Ki hali, “Ni ka ba fa sisupo, sisupo sa kuyakuile, ‘Mwalanjo uka i twala,’ ki sisupo sa kuyakuile.”

¹¹¹ Cwale, lu fumana kuli mwa lihola zani za ñalelwa yetuna, kona Moya wa Mulimu fo tahelanga. Na tuhelezi bana ba Maheberu kukena mwa mulilo wa ondo yesabisa, Asika shenyisa kale lizoho. Kono Ha yo shenya, Wa shenyanga.

¹¹² Cwale, lemula mo ku Luka, ka—ka kauhanyo ya 17, ni timana ya 30, kuli Na ize, “Mwa mazazi a maungulo, Mwana mutu uka Ipatulula sina mwa Na ezelize bukaufi ni Sodoma ni Gomora, mi ni buino bobuswana kuba iponahaza.” A bulelela Mushe, kaza . . . mi Ni kupa swalelo, isi ka Mushe, kono ka Nuwe. Kuli mane sicaba ne si “ca, kunwa, ni zeñwi cwalo, kunyala ni kunyalisa.” Mi ki Ha taha, Ki hali, “Cwale, sina mo ne kuinezi mwa mazazi a Lota, kona mo kukabela ka nako yeo Mwana mutu ha patululwa.” Cwale, mutualime, Mwana mutu ha patululwa kwa sikwata sa Abrahama, kakuna Muuna, Mupolofita mwa sibupeho sa mibili wa nama, Muuna ya kutekeha ni maluli fa liapalo za Hae, mi Abrahama a Mubiza kuli “Elohim.”

¹¹³ Cwale, Jesu na sepeisize fa kuli mwa mazazi a mafelelezo Mwana mutu u ka bonahala hape ku sona sikwata sesiswana sani, Peu ya silena ya Abrahama, mulilo u si ka wa kale. Muhipule, keleke neisika amuhela lipaki zeñwi hape, Abrahama ni bona neba si ka amuhela, mwana wa sepiyo yene ba libelela na tisizwe kasamulaho wa fani. Mi keleke ibata Mwana wa Sepiso, Uka taha hande kasamulaho fela wa mazazi a bulumiwa boo, Uka patululwa ki mahalimu. Cwale, lwa libona ka patalaza hande, lina ni kuba cwalo. Cwale, nto inosi fela yelukeba kubateni kikuli sesiñwi si kashe, sikene ku mutu, Mulimu apake ni ku mi bulelela ni ku mubonisa kuli yani kona nto ye ka ezahala; ni kuli uka ba ni . . .

¹¹⁴ Sina Mushe mwa na ezelize na sa lati ku lamulela bana bani, kono Mulimu a ambola ku yena mwa sicacani sesituka. Na sa tabeli kuya, kono na na ni kuya. Mushe na utwile za Hae kakuba Jehova. Kono he na Mu boni, Nali mwa mufuta wa Siita sa Mulilo. “Ni utwile za Hao, kono cwale Na Ku bona.” Ki sikamañi sa Na boni mwateni? Linzwi la Hae leli pakilwe.

¹¹⁵ Mulimu abulelela Abrahama kuli “sicaba sa henu si ka yambaela mwa na ha ya kwahule ka myaha ye mianda yemine, kono Uka ba lamulela ka lizoho le limata.”

¹¹⁶ Mi, mulemuhe, sicacani sesituka se nesifile bupaki ku za na bulela mupolofita Abrahama kuli lika ezahala. Mushe naize, “Ni utwile kateni, kono cwale Na li bona!”

¹¹⁷ Cwale, *lu* utwile kuli mwa mazazi a maungulo Mwana mutu uka taha mwahala sicaba sa Hae ni ku Ipatulula kwa sicaba mwa mukwa oswana wa Na ezize ka ona kwa . . . kusika sinyiwa kale Sodoma. Mwana mutu, ki sikamañi sa Na ezieze? Na zibile likunutu zeneli mwa pilu ya Sarah. Hape afa sepio

ku Abrahama. Abrahama na utwile Linzwi la Mulimu, na ka Mubona mwa mikwa yeshutana (Ha ni zibi mwa Na ambolezi ku yena, ka litolo kamba ka sipolofita), kono ka nako ye a Mubona. “Ni utwile za Hao, cwale Na Kubona.”

¹¹⁸ Mi keleke i utwile za Mulimu, ba balile za Hae, ni za Na ezize, ni lisepiso Za ezize, kono cwale lwa Mubona ka meeto aluna (ka kuswana fela sina Jobo mwa na ezelize), “Ni utwile za Hao, kono cwale Na Kubona.” Mawi! Ha ki shutano ni yeo.

¹¹⁹ Mushe, mwa butata bwani, ahuwa. Mi lu fumana kuli, mwa Exoda, mwa kauhanyo ya 14, ni timana ya 13 kufita fa timana ya 16, Mushe mwa ziyezi tuna yani ni bana ba Isilaele, susumezo ya muswala, mi ki ha bulela sa na lukela kubulela, kusina kuziba kuli na li bulezi. Mwabona, “Amuyeme mi mubone kupiliswa kwa Mulimu.” Mulimu na si ka ambola kale ku yena. Mwabona, susumezo kona yene mu natile.

¹²⁰ Se bali, “Kiño so lutiselize kwanu? Ne lu swanelia kushwela mwa Egepita. Kana ki kuli nekusina mabita mwateni? U lutisize kwanu, ni ku to lu bulaela kwateni; neluka ipilela mwa kozo sina batanga kufitela lushwa, kono wena wa lutisa kwanu.”

¹²¹ Mushe, mupolofita, ka kuziba kuli nana ni swanelo yakuya ku Mulimu, na susumelizwe, mi ki hali, “Amuyeme mukuze mi mubone kupilisa kwa Mulimu; kakuli Maegepita be mutualimela kacenu, hamusa ba bona hape.” Na zibile cwani kuli ne li ka ezahala? Na zibile cwani? Na sa zibi na za bulezi.

¹²² Kono hamano li bulela faela, Mulimu amu bulelala mwa ku liezeza. Ali, “Mushe, usike wa Ni lilela, nga mulamu wa hao mwa lizoho ni ku otolela fa liwate, ni kubulelala bana ba Isilaele kuli ba ‘Zamaye!’” Amen!

¹²³ Susumezo! Kona mi i ku welanga haiba wa kula. Kona mo i ku welanga haiba u ziyelehole. Kuna ni sesi patuluzwi ku wena, mi ubona kuli li patuluzwi, wa li bulela, “Ni folile!”

¹²⁴ Kipeto Mulimu u ku bulelala wa kueza, “Nanula mi ukale kuzamaya.” Amen! Kipeto ku felile, haukona kulieza ka nzila yeo. Cwalo kona Mulimu mwa li evezanga, kipeto uka bona Mulimu ha iponahaza ka wena.

¹²⁵ Neli Mulimu yana mu bulelezi ku lieza. Cwale, he, kaufela bene baliteni, Isilaele kaufela yeneli teni ya bona susumezo yene wezi Mushe. Ba bona Mulimu, ka meeto a bona luli, akasha mezi ani kwa matuko amabeli. Mi Siita sa Mulilo sani sa ba zamaisa kusila li—li liwate. A utwa za Mulimu, mi se ba bona Mulimu.

¹²⁶ Joshua nali mwa nako ya ziyezi, fani limpi hane li komiwa, mi lizazi ne li likela. Joshua neli mupolofita, mi aziba kuli haiba limpi zani nelikaba ni kolo ya kukopana hape ni ku mu lwanisa, na ka luza hahulu ni kufita, kacwalo mwa hola yani ya butata sesiñwi hane sina ni kuezahala... Kuna ni fela nto iliñwi, haiba nakaba buluka inge ba mata, naka ba koma, mañi ni mañi, fafasi.

Kono nekusina liseli kuli aeze cwalo, kacwalo Joshua ayema, ananula mazoho a hae, mi ali, “Lizazi, aku yeme! Mi kweli, yema fahalimwa Ajalon kufitela Ni feza ndwa ye.” Mi lizazi la yema nonga. Ba mu utwa Joshua ha bulela, mi cwale ba bona Mulimu, ka meeto abona luli, mwa kezo. Niti!

¹²⁷ Mwabona, eeni sha, neli makazo kubona nto yebonahala ku sa konahala, mbo iba niti. Kono, “Lizazi la yema nonga,” kubulela Bibele. Ha ni zibi mina sicaba se munahana, baba nahana kuli lifasi mo ne li zamaisezwa, cwale; kono, nihakuli cwalo, “lizazi la yema nonga.” Mwendji Joshua nasika ku nahana mwa na ka li—li ezeza, ka mo Mulimu na ka li ezeza, nto fela inosi yana bulezi neli kuli, “Lizazi aku yeme!” Na li bulezi, mwendi kusina kuziba za na sweli kubulela, kakuli neli Mulimu yana mufile zona, mi A beleka.

¹²⁸ Kinto yeswana ni Mareka 11:23, “Ha mu ka bulelela lilundu leo kuli ‘shenya,’ mi mu sa bilaeli mwa pilu, kono mulumela kuli se mu bulezi sika ezahala, mwakona ku ba ni semu bulezi.” Kono haukoni kuyema fani ni ku nyanyabeka kuswala mwa munahano wa hao ni kubulela fela, una ni kuba ya susumelizwe fa kubulela cwalo. Amen!

¹²⁹ Mu ni swalele ka mubulelelo woo; kono zazi lani, inge niinzi mwa mushitu wani (mi Mulimu ki Muatuli wa ka, mi Ne ni kawa inge ni shwile fa katala faa), Liñolo lani ha ne li ni kumalezi mwa bupilo bwaka kaufela... hane ni inzi kwani kwa mushitu kakusasana wani, mi Ne ni sweli kunahana ka zeo, mi Linzwi lani la ambola ku na, Ki hali, “Liñolo leo liswana fela sina Mañolo kaufela, Ki niti.”

¹³⁰ Mi Na hupula kuli, “Kihande, kukonahala kuba cwani?”

¹³¹ Mi ki Hali, “Una ni...” Se nili... Ki hali, “Bulela, mi ku kaba ona cwalo. Usike wa kakanya.”

¹³² Mi Ne nisweli kuambola ni Yomuñwi, inge ni inzi kwahule koo mwa mushitu. Mokusina tumale, nese ni bile kwani ka mazazi a malalu, hakuna tumale kwani. Mi Ne ni inzi mwa sicacani sa sikomora. Tumale mane ha tu tahangi... ku mutu ya zuma tumale, twa ziba kuli ha tu fumanehangi mwa likota za sikomora. Mi Ne ne se ni inzi kwani; mi moyo unzo fuka katata luli, mwendi ka teni kiloko kakusasana, mi Ne ni sweli kunahana hape.

¹³³ Mi Wa li, “U sweli ku zuma, mi utokwa tumale inge Abraham mwa na tokwela totolo.”

¹³⁴ Na hupula kuli, “Yoo ki yena yabile ani bulelela Niti kamita, kono se si utwahala kusehisa.” Mi Na nanuha fo ne Ni inzi, na talima kwa ni kwa, “Uka Mutu ya na ambola ni na?” Hakuna; moyo nosweli fela kufuka katata luli. Mi Na hupula kuli, “Kana Ne ni lobezo ni kulola zeo? Batili, Ha ni si ka lobala. Ne ni yendamezi kwa kota kwani, inge ni tona, ne ni lukela kuyongwa Muzwale Wood ni Muzwale Sothmann kwa mulaho kwani, fa

nako nyana fela, mwendi ka teni kiloko ya kakusasana. Balimi kafani kaufela inge ba beleka, inge ba kutula mbonyi ya bona.”

¹³⁵ Mi Na Li utwa hape, lali, “U sweli kuzuma, mi utokwa lifolofolo. U tokwa totukai?”

¹³⁶ Mi Na hupula kuli, “Cwale, Ha ni lati kufiteleza se, Ni ka kupa fela totulaalu, tumale totulaalu. Ni bata totulaalu, tumale totulaalu totufubelu. Na tu bata.”

¹³⁷ Ki hali, “Kipeto aku bulele.”

¹³⁸ Mi se Nili, “Ni ka ba ni tumale totulaalu totufubelu.”

¹³⁹ Mi ali, “Tu tahe ka nzila ifi?”

¹⁴⁰ “Kihande,” Na hupula, “Ni zamaile neku le, kuna ni Sesiñwi se si ni ambolisa fa.” Ka kuswana fela sina mo mu ni utwela. Mi Mulimu mwa Lihalimu, ni Bibebe yebeilwe fa pilu yaka, uziba kuli ki niti. Mi Yena . . . Mi se Nili, “Kihande, . . .” Na supa sibaka se si sa swaneli, mutai wa kale o omile ono nyendaela faale (mwendi liñokolwa ze mashumi aketalizoho, ko ne ku kunupile tobolo yaka).

¹⁴¹ Se nili, “Kapili ka be ona fani,” mi ki kani kaaba teni.

¹⁴² Na itiinya mwa meto ni kutilima kwa mulaho (Na sikulula toho yaka), mi Na nahana kuli, “Ha ni lati ku kunupa pono.” Kacwalo Na talima kwa ni kwa hape, mi ki kale kamale kali kuina fani. Na longa lilumo mwa tobolo yaka, na nonga hande, mi Ne ni bona meto liito la kona lelinsu, kamale kakalikani kaka fubelu. Na nahana nali, “Ni—Ni . . . mwendi Ni lobezi, Ni—Ni ka zuha mwa mizuzu nyana. Mwabona, Ni sweli fela kulola lika zee.” Kihande, Na lobalafafasi, na kunupa kamale mane kawa fa mutai. Na hupula kuli, “Kihande, Ha ni zibi.” Na hupula kuli, “Kihande, Ni ye ni yo ka bata bata?” Mi—mi Na ya kwateni, mi ki kani neka lobezi fani. Na ka nanula ni inge ka sa lota mali. Pono ha i lotangi mali, mwa ziba. Kacwalo Na ka nanula, mi neli kamale. Na ikutwa singonyi, mubili kaufela.

¹⁴³ Mi Na talima kwa ni kwa, Na li, “Mulimu, yani ki Wena!” Se nili, “Ni Itumezi, ka se. Cwale Ni ya kwade mi . . .”

¹⁴⁴ Ki hali, “Kono u bulezi! Kana wa kakanya so bulezi? U bulezzi kuli uka bata ‘totulalu.’ Cwale kakañwi ka fumanehe kai?”

¹⁴⁵ Na hupula kuli, “Kihande, haiba Na lola, Ni ka zwelapili kulola.”

¹⁴⁶ Kacwao Na—Na li . . . Na supa musumo wa kale ono faale, wa kota ono tatelizwe ki mukutingi o baba. Hamukoni kufumana kamale mwateni. Kacwalo Na li, “Kakatatama ka zwelele ona mwa mukutingi o baba wani,” mi ki kali kamale kakafubelu kali ku ni talimela. Na toma tobolo yakafafasi, ni ku itiinya mwa meto. Na fetuhela kwa ni kwa hape, Na nahana kuli . . . Ki kani kainzi fani, ka issa toho yakona kusili. Na kunupa kamale kao, mi Na kala kuya kwa ndu.

¹⁴⁷ Kono ali, “U bulezi ‘totulaalu’! Kana u kakanya so bulezi?”

¹⁴⁸ Se nili, “Batili, Mulena, Ha ni kakanyi se Ni bulezi, kakuli U sweli wa lipaka.”

Le ki Liñolo li liliñwi lene li ni kakamalisize: “Isiñi kuli haiba Ni bulela, kono haiba *mu* bulela.” Isiñi haiba Jesu ubulezi sa kuli, kono haiba wa libulela *wena* kasibili.

¹⁴⁹ Mi Na nahana kuli, “Mwendì Ni keni mwa sibaka sani, mi Ni ziba kuli Utensi mo kakuli Ni ikutwa kubata kulyangana.” Na hupula kuli, “Ni ka keta ka isheha mo ku sa swaneli, luli kiniti.”

Se nili, “Ku kaba kamale ka kafubelu kaka ka zwelela fa lilundu *laale*, katahe ka nzila ye *cwana*, mi fakauifi ni na, mi kaye, ka yo ina fa mutai *faale*, mi ka talimele fone kuinzi mulimi *yani*.” Ha ka yo tuluka fa lilundu, ka kala kuzamaya, ni kuina, ka talimela mulimi. Mi Na ka kunupa.

¹⁵⁰ Satani ani bulelela ali, “Wa ziba kana? Likota litezi fela tona tona, cwale.” Mi Na isa fani ka twelufu kiloko, mi hakuna sene si ezahalile. Si bonisa kuli haibile Mulimu . . . Yena ki Mulimu luli wa Mahalimu ni lifasi!

¹⁵¹ Baba teezeza, kwa Jeffersonville cwale, kuna ni lubasi lwa baha Wright. Muzwale Wood ni Na lwaya kwateni ku yo tubona. Kona baba lukisanga veine ya keleke. Edith wa mwanana nainzi fani mwa sibaka sani; musizana wa sihole, kuli nabile akula bupilo bwa hae kaufela, mi kacwalo ne lu talimela ku Mulimu kamita kuli amu folise. Kezela hae, mbelwa, muuna hae na sa bulailwe kale; libizo la hae neli Hattie, musali ya ishuwile yomunyinyani. Mi cwale Muzwale Banks ni Na lwa yo mungela kashakame, neba besize masikono a lubilwe hande alambilwe mbilimbili; mi ba ni inisafafasi kuli ni ce.

¹⁵² Kaufela ne luinzi fa tafule kuipotoloha, ne lusweli kuikambota za taba yee, ne i ezahalile fela mazazi nyana kwa mulaho. Mi hane luinzi fa tafule cwalo, inge luambola fa taba yee, hañi-hañi fela Na li, “Kiñi sene si ka ezahala?” Se nili, “Muzwale Wright, so li muuna muhulu, uzumile tumale bupilo bwa hao kaufela. Muzwale Shelby, u muzumi wa tumale ya sikwala. Muzwale Wood, ni wena u cwalo. Ni tu zumile kuzwa inge nisali mwanana. Kana mukile mwabona kamale mwa kota ya sikomora kamba sicacani sa mukakani?”

¹⁵³ “Batili, sha.”

¹⁵⁴ Se nili, “Ne tusiyo fela kwani.” Se nili, “Nto inosi fela ye Ni ziba, Ki yena Mulimu yaswana fela. Fani Abraham ha na tokwa totolo, Na li *Jehova-jaire*, Na konile ‘ku ipatela yona Yena luli.” Se nili, “Ni lumela kuli ki nto yeswana.”

¹⁵⁵ Mi Hattie yomunyinyani yana inzi kwa mulaho kwani, ali, “Muzwale Branham, yeo ha ki nto isili kono ki Niti!”

¹⁵⁶ Na bulezi taba ye lukile! Hamano bulela cwalo, Moya o Kenile wa tuluka mwa mukwa ona wani hape, mañi ni mañi ba

Uutwa. Na nanuha, Na li, "Kezeli Hattie, KISONA SA BULELA MULENA, u bulezi linzwi le li lukile inge musali wa Mukanana mwa na bulelezi. Moya o Kenile wa bulela ku na cwale, mi wa ni bulelela kuli ni kufe takazo ya pilu ya hao." Se nili, "Cwale, haiba Ni ba mutanga Mulimu, haiba ku cwalo, lika ezahala. Haiba Ha ni mutanga Mulimu, kona kuli Ni lihata, mi halina kuezahala, Ni mupumi." Se nili, "Cwale halulikeni ni kubona, ki Moya wa Mulimu kamba nee."

¹⁵⁷ Musali ali, "Muzwale Branham," (mutu ni mutu na lila), ali, "ki sikamañi se Ni kupa?"

¹⁵⁸ Se nili, "Una ni kezeli wa sihole ya inzi faale."

¹⁵⁹ Ne nina ni twenti dollar mwa pokoto yaka, kuli ni mufe yona, yana beile mwa koleko. Musali yani na sakoni kufumana madollar aeza mianda yemibeli ka mwaha, fa litema nyana, la kale, la bubotana lani, yena ni bashimani bababeli. Bashimani ba hae neli fela 'Maricy,' baba icambanelo fela mwa mazazi a sikolo, mwa ziba, mi ne ba kataza maa bona; ni neli nebali myaha ye fifitini, sikisitini cwalo ya kupepwa. Mi, oh, neba yemi kwani inge ba shenauna kuseha zene Ni bulela.

¹⁶⁰ Mi se Nili, "Una ni ndate ni me babainzi fani seli basupali. Hauna masheleñi ni a makana. Kupa masheleñi, mi ubone mwa ka tahela fa mautu a hao. Kupela kezela hao, mi ubone haiba haana kuyema ni kuzamaya." Ne ni ziba, sina Jobo, kuna ni so ziba ha si ezahala. Nali, "Na ziba! Kina yo Ni yemi fapila batu baba lishumi," Na li, "haiba se ha si ezahali, kipeto Ni mupolofita wa buhata."

¹⁶¹ Ali, "Ki sikamañi se Ni ka kupa?"

¹⁶² Se nili, "Ku itingile ku wena ikezeze buiketelo. Ha ni koni ku ku ketela."

¹⁶³ Atalima kwa ni kwa, musali yomunyinyani. Mi hañi-hañi fela, musali ali, "Muzwale Branham, takazo yetuna hahulu mwa pilu yaka ki puluso ya bashimani baka bababeli."

¹⁶⁴ Se nili, "Ni kufa bashimani ba hao, ka Libizo la Jesu Kreste." Mi bona inge ba kibakiba, kushenauna, bashimani baba lisheha feela ba to wela fa mahutu a bomaa bona, mi bafa bupilo bwa bona ku Mulimu, mi ba tazwa ka Moya o Kenile ona fani.

¹⁶⁵ Kiñi? Yeo ki Niti! Mulimu una ni mata a ku ni bulaya, sicaba se si si ka zwa kale mwa na ha. Buñata bwa mina mo ni mwa Jeffersonville, Ni utwa tabernacle ha ihuwa cwale kuli, "Amen!" kakuli bainzi mwani ba teezeza cwale. Mwabona, kakuli ki Niti! Ki sikamañi seo? Ki foo Mulimu, ka muhau wa Hae omutuna; ha li ezahala! Kwanda zeo, halikoni kuezahala.

¹⁶⁶ Mwa nako ya ñalelwa yeo... Munahane ka batu ni sicaba be Ni zibile. Mulimu u fitelela baika kaufela, ni mangwangwa kamukana, ku to fa mubotana, musali yomunyinyani ya ishuwile, ya sa koni neba kuñola libizo la hae; mi Na ziba za

na kupa musali. Mi yani neli nto yetuna ni kufita; kakuli kezela hae cwale sa shwile, ni bomahe ni bomahe bana ni kushwa, masheleñi na ka yunda, kono mioyo ya bashimani ba hae ki ya Kuyakuile! Mi yani neli hola ya bona kuli ba Li lemuhe. Ka nako yene Ni sa feza kubulela, “Ni kufa bashimani ba hao, ka Libizo la Jesu Kreste,” ona fani ba wela fa mahutu a bomaa bona. Ki ba bakai mo baba ziba kuli yeo ki Niti, mwa ziba cwalo? [Kopano ili, “Amen.”—Mu.] Mwabona? Yeo ki niti. Eeni. Kiñi? Susumezo!

¹⁶⁷ Cwale: “Ni utwile za Hao, kuli Ukona kubupa tumale; Ni utwile za Hao, kuli Ukona kubupa totolo; kono cwale Na Ku bona, ka meto aka!” Ki ponahazo, pono i ezizwe patalaza. Mi Mulimu ha sepisa sika kaufela, ki sona luli Sa kaeza.

¹⁶⁸ Mulemuhe, hauna ni so tokwile, mwendi inge Joshua. Na tokwile; na si ka nahana zene muibeile mawahali, a bulela fela, mi ne li Mulimu! Kana mwa lumela kuli lizazi ne li yemi nonga? Nina ni lumela cwalo. Ne li yemi cwani? Musike mwa lika kuakaleza, kono neli yemi. Joshua na li ezize, mi ananula mazoho a hae; mwa nako yetata yani aba ni kufumana nzila yakutaha ku Mulimu, mi kona zene ezahalile. Neli ka nako yateni. Moya wa Mulimu Yapila no boni butokwa bwa zona, mi wa kasha Joshua kuli bulela. Ki yena Mulimu yaswana yana boni butokwi bwa Abraham. Yena Mulimu yaswana yana boni butokwa bwa kupaka Liñolo le kuna, *kuli* ki Liñolo la niti, ni lona! Yena Mulimu yaswana yana boni butokwa bwa bashimani bababeli bene ba lelezwi kwa puluso bani, mi neli ka yona nako yani Ato li bonisa ni kupaka Linzwi la Hae.

¹⁶⁹ Muhalalehi Mareak 14, lubona musali yana lumezi ku Yena, musali na tokwile mi ni Yena na tokwa tuso kwa mahutu a Hae kuli atapiswe, na lukela fela ku susumezwu kukena mwa kezo. Cwale amuteelze ka tokomelo halunze... lusika kwala kale. Musali na lukela fela ku susumezwu kukena mwa kezo, kakuli na sa utwile kale za Hae. Na utwile kuli “Na swalezi musali ka libi za hae, yanali lihule. Mi ali, ‘Ki mañi wa mina yasina sibi? Apose licwe la pili.’” Na u twile za Hae, kono cwale wa Mu bona. Na susumelizwe ku Mu sebeleza. Ki yona fela nto inosi yona ni kuba yona.

¹⁷⁰ Lumeleza Moya o Kenile u ku bulelele kuli “U muezalibi!” Lumeleza Moya o Kenile u ku bulelele kuli “U fosize!” Lumeleza kuli Moya o Kenile ubonise ku wena ka Mañolo kuli “You fosize ka Mañolo!” Mi haili...kakuli Lika fita fela mwa mundandwe ulimuñwi onamile wa Mañolo a Mulimu, halina kufitelela sika. Haiba ueza cwalo, Halina ku kutusa ni hanyinyani. Kakuli Moya o Kenile wakona ku Asusumeza ku wena, kono haiba moyo hausika luka ni Mulimu, sina mo lu fitezi kuzona biki ye, ha kinto yende ni cwalo. Muhupule, baba tozizwe ka buhata ba ka taha mwa mazazi a maungulo; isiñi Bojesu ba buhata, bokreste ba buhata (ki batzoziwa), mi ba ka puma ni bona Baketwa haiba kinto ye konahala.

¹⁷¹ Mulemuhe, nana ni sebelezo ya ku Muezesa. Na utwile za Hae, cwale u Muboni ka meto a hae. Nana ni sebelezo ya kueza, mi musali nasina sa kueza ni zona. Kona kuli amatela kwapili, ku yo fa sebelezo, Mulimu a lukisa mezi ni taulo ya ku tapisa kwa mahutu a Hae. Na sa utwile ka za Mulimu Yapila, bupilo bwa hae kaufela, kono cwale wa Mubona ka meto a hae. Na zibile kuli neli Yena, mi susumezo ya mu tahela, mi ali, “Yoo ki yena Numwana!” Na tokwa sebelezo (musali nasina sa ku Mu sebeleza ka sona), mahutu a Hae nana ni masila. Kono musali amatela kwapili ni hakuli cwalo, ku yo Mu ezeza sebelezo, kakuli na susumelizwe kueza cwalo.

¹⁷² O wena membala wa keleke ya wile mwa tumelo, muuna wa kopano kamba musali, kikuli ha u boni butokwa boo Jesu anani busihu boo? Haiba susumezo ikona fela ku ku wela, ye kona hola ya kueza cwalo. Kono musali a Mubona ka meto a hae. Babañwi mane ne ba Mu soma. Ne ba si ka lumela Liñusa la Hae. Kaniti, mutoneli, mutoneli wa mulisana, Simoni wa mucembele, kiyena yana Mu bizelize kwani kuli ayo ba ni lisheha ka Yena. Ne ba si ka lumela kuli Na li mupolofita.

¹⁷³ Konakuli ha ne kubonahala kuli diabulosi na sa belekile kuli abulele taba ye, na bulezzi mwahali ku yena, “Haiba muuna yo ki mupolofita, na ka ziba kuli ki musali wa mufuta mañi yali kwa mahutu a hae. Kambe nali mupolofita!” Mwabona, ne li si ka patululwa ku yena ka Yoo nali Yena. Nekusi kwaba susumezo kaufela yene ka mutahela, kakuli hakuna sika se si lukela kunatiwa. Kono ne li natile musali!

¹⁷⁴ Meto a hae abona kufitelela fabuse bwa buhanyezi bwa hae. Musali a lumela, mwabona, Linzwi la bapolofita. Musali na zibile kuli Ani neli ona Manzwi a bapolofita, na pakilwe ku Yena. Na utwile kuli Na li fa lifasi, kono cwale wa Mu bona. Mutualime za na ezize. Abona Linzwi le li ezizwe nama, yena Mesia, yena Emanuele. Ha yo lukulula sebelezo ya tumelo (ya sinulo ya Yoo Nali yena, mwa nako ya na pila, kuli Na li yena Ngunnyana ya Mulimu kwa baezalibi baba swana sina yena), musali azwela kwande ku yo Mu sebeleza kusina kuziba mwa na ka ezeza.

¹⁷⁵ Kona mo itelanga foliso ya bulimu ya niti, ha se li patuluzwi ku wena kuli “Na holofalezi libi za luna, na titikezwi bumaswe bwa mina, mi ka miupa ya Hae *nemu* folisizwe.” Ha li se li susumelizwe ku wena kubona Pata ya Hae mo, ku Muhalalehi Mareka 11, kamba, Muhalalehi Luka 17:30, kuli Uka Ipatulula ili yena mwa mazazi a mafelelezo (mwahala sicaba sa Hae, mwa mubili wa nama) sina mwa Na ezelize kusikaba kale Sodoma. Ha u bona zeo, mi sesiñwi sa ku tahela!

¹⁷⁶ Dokota ukona kubulela kuli, “Kansa isali teni.”

¹⁷⁷ Mukuli ukona kubulela kuli, “Hani—Hani—Hani—Hani—Hani—Hani zibi mo Ni ka zamaela, kono Ni ka zamaya ni hakulicwalo.” Ha lu zibi mo li ka ezeza.

¹⁷⁸ Aya kwapili ku yo Musebeleza, kakuli susumezo ne i Mu tahezi...yatahela musali, yani neli yona hola, yani neli yena Mulumiwa, yani neli yena Mesia Yana lukela kufolisa, mi musali a Li lumela. Mi Na tokwa sebelezo kuezwa ku Yena, mi musali aya kwapili kusina kubonisa kuli na ka eza cwalo. Musali na zamaile fela ka susumezo ya hae. Mutualime! Mulimu a tibulula maweluwelu a buluka mioko mwa meto a hae. Ona meto aswana ana utwile...lizebe zene utwile za Hae; meto ana Li boni, akwaluha ka tabo. Mi cwale zeñwi zani, milili yemitelele yefilwe ki Mulimu, ni mioko yani inge ibuba. Mulimu na mu lukiselize kale tauo (ka milili ya hae), ni ka mioko ya hae. Musali na sebelize butokwa bwa Hae, butokwa bwa Mulimu ya Pila. Na utwile ka Zona, kono cwale na Mubona, nakona ku Mu ezeza sebelezo.

¹⁷⁹ O muezalibi tuwe! Kiñi hausike waeza ze swana haunzo bona butokwa cwale? Kuli Wa ku tokwa, sebelezo ya hao! Cwale mubone Yena, Ili yo ne muutwile nako yeñwi mwa Bibele. Lu Muboni maabani busihu ataha moo, ni za Na ezize. Lwa Mubonanga, mukopano mwa mulaho wa mukopano, mi fokuñvi luitulela fela ka kubata feela ni ku sa iseza ngana, kuli, "Eeni, Na ziba Mañolo abulela cwalo. Oh, Ni—Ni li boni ha li ezwa, mwabona." Haluna susumezo ya ciseho, haibonahali ku lu tahela hande. Hakubonahali kuba sika, inge ha ne muka sela . . .

¹⁸⁰ Kunga menkisi ni ku i cakula, haiba menkisi haina musili wateni kwa toho ya menkisi, haikoni kutuka. Mi wakona kucakula ni kucakula ni kucakula, kono haiba mulyani u zwisize musili kuyona, haiba ku tuka, hakuna kuba liseli. Kono haiba mulyani wani, musili olukela ku tukisa haifita fa sipi uka... usali fateni ha i cakujlwa, ika tuka.

¹⁸¹ Mi cwale ponahazo ya niti ya Mañolo a lizazi la Liñusa la maungulo, mi mubona Pata ya Jesu Kreste, kuli mu utwile Sa ezize mwa bupilo bwa Hae, ni kuutwa Mañolo abulela kuli "Wa swana maabani, kacenu ni kuyakuile"; mi bukaufi fela ni buino bwa Sodoma kutukisa buhali bwa Mulimu, mwabona Jesu ukuta mwahala sicaba sa Hae, ali mwa nama ya butu, ni kueza lika ze swana za Na ezize. Mawi! Sina ni kunyalisa mioyo ya luna kwa Kanya! Si lukela ku lu ezeza sika. Kiñi? Si wela kusona seo.

¹⁸² Mu utwile mwa Bibele sa Na ezize, ka moo musali na swalezi sapalo sa Hae. Afetuha ni ku mu bulelala sene sili butata bwa hae, mi tumelo ya hae ya mu folisa. Cwale, U sepisize kuli Uka eza yona nto yeswana hape, lifasi li si ka tuka kale, mi lifasi likaba mwa buino bwa Sodoma. Testamente ye Nca, ni Mupolofita, Mupolofita wa Mulimu, Mupolofita wa bapolofita, yena Mulimu wa bapolofita kaufela, mutalelela wa Bumulimu ka mubili, Mulimu wa...ya bonahalile mwa nama, yena Mubipi, wa Genese. Haleluya! Ki Linzwi la Hae! Na bulezi kuli li ka ezahala! Mi lubona buino bwa Sodoma, lubona lifasi mwa buino bwateni, cwale lwa Mubona ha taha kutoeza lika ona cwalo za

Na bulezi kuli Uka eza. Cwale, lu utwile za Hae, cwale lwa Mu bona! “Ni utwile za Hao ka lizebe za ka, cwale Na Kubona ka meto aka.” Amen! “Na Mubona ka meto aka tota.” Ki hola yecwanimoilukela kubela! Ki nako yecwanimoilukela kubela! Tiisezo ya Linzwi la Hae! Kamita Linzwi ha li tiiswa ka bupaki, kipeto ki yena Mulimu ya bulela mwa Linzwi la Hae, inza Iponahaza ili yena kuli mubone.

¹⁸³ Cwale, ki yo fa lihule nyana wa mwa mukwakwa, uwela fa aletare, fapila Jesu, mi utapisa mahutu a Hae ka—ka mioko, ni—ni kuitahula ka milili ya hae. Mulimu akuteka, Ki hali, “Kaufela ko ku kutazwa Evangeli yee, taba ye ibulelwe ka kupuzo ya hae.” Kiñi? Mutualime mwa na bezi ya masila, kono sesiñwi sa mutahela. Na boni Linzwi la sepiso, kuzwa kwa simu ya Edeni, yoo, “Peu ya musali uka pyata toho ya noha.” Na boni Mesia yana pepilwe ka mwalanjo.

¹⁸⁴ Na utwile kuli Nana ni kupepwa ka musali wa mwalanjo, kono bautwa kuli Muuna yani nali mwa lifasi. Na utwile kuli nekna ni Muluti wa mwanana, Mupolofita, Yana folisa bakuli. Na lumela cwalo! Mi ki yo ataha mwa nzila, inza zamaya, inza talima kwa ni kwa. Atalima fabuse faale abona mukiti ono sweli kuezahala. A shondaelela kwa lapa, ni ku nangela mwahali, mi ki Yaale Nali teni. Ki yaale Nali teni! Sesiñwi sali, “Yani ki Yena!” Mwabona, kona fela za na tokwa kuli asusumezwe. Mwabona ze ne ezahalile? A bona Linzwi la Mulimu le li ezizwe nama. Na utwile ka zebe ya hae, cwale abona ka meto a hae.

¹⁸⁵ Cwale, mutu ni mutu uziba kuli luna ni sepiso ya buino bwa keleke, mwa lizazi la maungulo. Keleke, mwa buino bwa yona bwa cwale, haikoni ku taleleza litaelo za Mulimu, tumo yetuna, haikoni kubizeza Munyaliwa kwande. Ki ifi ye ka eza zeo? Ba Pentekota njí? Ha ni lukeli kubulela. Hakuna ni yomukana wa bona. Sani kona sikapi se sili kwa buloto. Sesi zwile, ne si bonahala fela inge buloto, kono nekusina buloto mwateni. Sa kwaluha, kono bubeke butaha ku yona. Ba ongaonga, ba ipulaya. Fani kona fo ba shwela. Ki mataka. Kono buloto butahile mwahala zona mwani, mi cwale se likalile kubupiwa mwa mufuta wa Munyaliwa. Bubeke bwa buloto bone bu wezi mwa mubu ka masika a lififi, nebuna ni shwile.

¹⁸⁶ Muhanzezi ya bulela kuli, “Kiñi Mulimu wa sishemo, hana ka kwalula Liwate Lelifubelu, ayeme ni kutuhela sicaba sa Bakreste ba babotana bani kuciwa ki litau, ni kucisiwa mulilo, ni lika kaufela? Aine fela, inge Aseha fela ka zona!” Sitimbi sa mukungulu tuwe! Kana na si ka ziba, “Kwanda kuli buloto bu wele mwa mubu”? Nebuna ni kushwa mwahala masika a lififi ani, inge mbonyi yeñwi kaufela mo i lukela kukenela mwataswa mubu ni ku pumbekwa, kuli itahe mwa kuongaongiwa wa makalelo kutisa matali amabeli ani a Luther, ili lutaka. Neina ni kumela mwahala ma Wesleyan, kulo kwani, kuli kutahe mununo, bo libunga, lusika lolutuna lwa kuhasanya evangeli.

Neina ni kutaha mwahala Mapentekota, kwa kukutisezwa kwa limpo, mane kubata kupuma ni bona Baketwa. Ku bonahala inge peu ya buloto; mwa ikwalula, hakuna buloto mwahali ni hanyinyani, ki sikapi feela. Kono kwa mulaho kwani, he, ba kalisa kuonga onga katengo ka ba oneness, katengo ka trinity, katengo ka ba twoness, ni katengo ka ba church of God, ni zeñwi kaufela za ongaongiwa, mi neli lifu feela kihona! Mi cwale ki sikamañi sene si ezahalile? Kono ki sikapi sa buloto, nesinze sihula mwahala nako ye kaufela.

¹⁸⁷ Cwale sikala kuzwa kwateri, buloto bukalile kubonahala. Lo ha ki lusika lwa Pentekota. Lo ki lusika lwa lizazi la maungulo. Lo ki lusika lwa Munyaliwa. Le ki Liseli la manzibwana. Fa kona Malaki 4 foilukela kutalelezwa, kulatelela tukiso ya Mulimu. Ye ki Luka 17:30, kuli italelezwe. Ye kiya bubeli... Mi Jeremia, ni babañwi babona kaufela, bao Joele ubulezi zabona mazazi aa, *le* kona lizazi lani. “Ni utwile, Mulena, mi Ne litaha, kono cwale Na Li bona ka liito laka.”

¹⁸⁸ Niha ikaba buñata... balikanyisi ba mahata batahe cwani, bona bo Janise ni Jambresi ni mifuta kaufela ya makilikicani a bona kueza kaufela za na ezize Mushe, ne li ka mu nyunga kamba Aruni ni hanyinyani. Ne ba ziba kone...sina Jobo, ne ba ziba kone kuzwelela susumezo ya bona. Ne ba ziba kuli Neli kuli KISONA SA BULELA MULENA! Mi Bibele yeswana yene ambozi za bona, iize, “B ka taha mwa mazazi a maungulo, balikanyisi.” Ona likopano za bulapeli zani, ha ku kalisa... Kimañi yana kalisize pili? Mushe kamba bona? Haiba ne ba kalile pili, Mushe nakaba ni—ni malikanyiso.

¹⁸⁹ Cwale luna ni mifuta kaufela ya balemuhi ni lika zeñwi kaufela zelika kulyanganisa minahano yamina kuzwa kwa sika sa Mulimu tenyene, seo Mulimu apakile ka kuba Niti ka Mañolo a Hae. “Lu utwile za Teñi ka lizebe za luna, cwale lwa Si bona ka meto aluna.” Amen! Kana mwa lumela Cwalo? [Kopano ili, “Amen.”—Mu.] Lipilu zaluna kaufela! Susumezo! Mi ka lizazi leo foo Mwana mutu ha patululwa, ili Mwana mutu, Jesu Kreste ya bonahalile mwahala sicaba sa Hae.

¹⁹⁰ Muuna na zamaile kwani fapila Abrahama ni sikhata sa hae, neli feela Muuna yabonahala sina babañwi feela, maluli fa liapalo za Hae. Na fulalezi mukokoto wa Hae kwa tende, Ki hali, “Ukai musala hao Sarah?” (isiñi S-a-r-r-a, S-a-r-a-h; A-b-r-a-h-a-m, isiñi A-b-r-a-m). Abiza libizo la hae, ali, “Ukai kana?”

¹⁹¹ Ali, “U mwa tende, kwa mulaho wa Hao.”

¹⁹² Ali, “Ni ka ku potela kuya ka nako ya bupilo” (mi musali asehela mwa pilu). Ali, “Kiñi ha sehile?” (Uh-huh). Cwale, A sepisa. Sicaba sani kona sene si libelela sepiso ya mwana.

¹⁹³ Cwale, Hanina taba kamba batu ba ka eza zekuma kai mwa likopano zee, kuli ba “libelela Kreste,” likezo zabona lipaka kuli ha ba cwalo. Yeo ki niti. Likezo za hao libulela ka kuhuwa kufita

manzwi a hao. Ze ba nahana fela ki kuba ni buñata bwa batu mwa likopano, kono kuna ni batu babañwi, alimuñwi *fa* ni *fani*, baba libelela Kutaha kwa Mulena. Ba talimezi ka...niteñi. Ki bona bao fela Aka ipatulula ili Yena kubona, ki bona fela baba ka utwisia.

¹⁹⁴ Ki Baketwa fela kona bene ba utwisia Yo nali Yena. Munahane fela, kuna ni batu mwendi ma milioni amalalu, Majuda, fa lifasi, nekusina neba siemba sa bona bene ba ziba kuli Nali mwa lifasi kufitela Amano taha ni kuya. Mwabona? Kono Na ipatuluzi ili Yena ku babane ba libelezi: Joani Mukolobezi, ni—ni baapositola bene ba bizizwe ki Joani, ni babañwi cwalo, ni Anna wa sibofu mwa tempele, Simioni muprisita yana “patululezwi ka Moya o Kenile kuli na ka bona Kreste.” Baeteleli ba bulapeli bani kaufela, baituti ba za bulapeli ni zeñwi, libofu mo ne ba ka bela!

¹⁹⁵ Ki pula fela yekona kumelisa peu, haiba nji peu imwatensi kale. Mi sina hanoli peu ku bo ndataaho, mi ne ba sa ku zibi, ibo noli ku bo ndataaho. Kono ka siyaleto sa bomaho, wa bonahala ka kuswana kwa bona, mi kona bakona kuambola ku wena. Mulimu, yena Mulimu Yomutuna; haiba una ni Bupilo Bobusafeli, kona kuli kokwani ya Bupilo Bobusafeli neili ku Mulimu kwa simuluho. Mi noliteni kwani, no li mwa munahano wa Hae, libizo la hao ni zeñwi kaufela. Mi Yena, ka zibo ya makalelo, aku tomela kuli ubone Se. Mi wena yana si ka lukisezwu kale, hauna ku Li bona ki mo ka shwela. Kono, hupula, ka Libizo la Mulena Jesu, “Hola ki ye itile!” Hamuna ku Mu lumela nji? Amufe bupilo bwa mina ku Yena. Nina ni kutuhela, seli kasamulaho wa naini.

Halu inamiseni litoho za luna.

¹⁹⁶ “Ni utwile, Mulena, za Hao, cwale Na Ku bona!” Mulena Jesu, fuyola sicaba se habanze ba libelezi.

¹⁹⁷ Cwale Ni kami buza puzo. Ni ka lumeleza Moya o Kenile (Ni sepa kuli Uka peta) mubatisise minahano ya mina, kulika wena, kulika moyo wa hao, mi ubone haiba luli wa lumela. Mi haiba ufamana kuli kuna ni kukakanya nyana mwateni, kikuli uka nanula lizoho la hao? Uli, “Mulena Jesu, tuhela ni Ku bone. Ni utwile za Hao, kono Ha ni si ka Kubona luli. Tuhela kuli ni Kubone, Ni ka lumela.” Ku lukile. Zeo ki zende.

¹⁹⁸ Kana kuna ni yомуñwi mo ya sa Mu zibi kuba Mupulusi wa hao? Nanula lizoho la hao, uli, “Haiba...Ni—Ni muezalibi, kono haiba Ni...haiba Wena—haiba Wena uka ni lumeleza fela ku Kubona, Mulena Jesu, bonisa Linzwi le ba bulela lee. Ni ziba kuli cwalo kona Jobo mwa na Kubonezi. Ni ziba kuli kona ni Abraham mwa na Kubonezi. Ni ziba kuli kona babañwi kaufela mo ne ba Kubonezi, kakuli neli Linzwi la Hao la sepiso lene lipakilwe. Ni utwile mifuta kaufela ya lika, ni makilikicani, ni lika kamukana, kono Ni utwisia kuli kuna ni Liñusa la lizazi

la mafelelezo mwa lifasi, lene li bulezwi ka Lingeloi kwa nuka, ka 1933. Ni utwile za lisebelezo za foliso ze ezahala, mi Ni ziba zeo ha li ezahala, halikoni kuina mwa mukokolombwa wa kale bwa kopano wani.” Ne li si ka lumelwa mokucwalo, ne lisika ina fateni moku cwalo mwani. [Hakuna manzwi fa tepu—Mu.] . . .?

¹⁹⁹ Kucwani kambe Mushe naka taha, ni kubulela kuli, “Ha lu yaheňi areka inge Nuwe mwa na ezelize, lu cimbauke mwa Egepita mwa nuka yani”? Oh, batili. Mwabona? Batili! Nana ni Liňusa kuzwa ku Mulimu, nali yena ponahazo. Mupolofita yani yatahile mwa sibaka, na lukela kubonisa kwa Isilaele ona fani. Nebasina mupolofita ka myaha ye mianda yemine, nebasina mupolofita, mi fa kwataha mupolofita mwa sibaka. Neba lukela kuziba kuli kuna ni sene si ka ezahala.

²⁰⁰ Isilaele hape nasina mupolofita ka minda anda ya lilimo, mi fa kwataha Jesu mwa sibaka. Mi musali fa siliba, ali, “Muňaka, Ni lemuha kuli U mupolofita. Cwale, halusika ba ni yacwana ka myaha ye mianda yemine.” Kakuli, Na ziba sene sili mwa pilu ya hae. Mwabona?

²⁰¹ Cwale, lu sepisizwe lusika lwa keleke ka baongaongi, mi lubile ni bona. Kono Na sejisize, mwa Malaki 4, kuli Uka buluka mukwa wa Hae mwa mazazi a mafelelezo, ze ka ezahala, “Kuli afetule lipilu za bana kukutela kwa Tumelo ya bashemi ba apositola.” Ka ona mulelo luli wani! Mi keleke i kauhani hahulu mwa likopano ni mwa tukutwana kutwana,i kabile hahulu mwa liembba kufitela ishwa mane; se ibile fela sishimbelo. Mi ki Ha sepisa, mwa hola ya Liňusa la lingeloi la busebene, Maswayo Asupa kuli aka patululwa; mi ni likunutu za Mulimu lika patalazwa (Sinulo 10) foo lingeloi labu sebene halikala ku utwahalisa Liňusa la lona, isiňi sebelezo ya foliso, Liňula le li latelela sebelezo ya foliso yani.

²⁰² Jesu nali “mucaha wangana” haibile fela Na folisa bakuli. Kono Ha bulela kuli, “Na ni Ndate Lu nto Iliňwi.”

²⁰³ “Huh-uh! Ani neli mafosisa!”

²⁰⁴ Jobo neli “wangana,” kufitela sesiňwi ha si ezahala ku yena. Mwabona? Kamita ku cwalo.

²⁰⁵ Mulumele! Mu ka Mu amuhela cwale? Munanule mazoho a mina, muli, “Na Mu lumela. Ni bata ku Mu amuhela.” Mulimu ami fuyole. Mulimu ami fuyole. Ki hande.

Cwale hamuine hande mwali kukuza ni kulapela fela fa nako nyana.

²⁰⁶ Mulimu Yomune, mwa nako yebutokwa yee, ikaba nako yeswana ni yee ha ku kaba mulumo wa mushika zazi leliňwi, mi Mwana Mulimu uka tuluka kuzwa mwa mahalimu ka lilata, ka linzwi la Nduna wa mangeloi, ni ka tolombita ya Mulimu, bafu ku Kreste ba ka zuha. Mi ufi ni ufi wa luna wa ziba mi lwa

kolwa hande busihu boo, Ndate, kuli luka ba ni ku yo ikalabela ka linzwi kaufela le lu fa, ni linzwi kaufela le lu bulela. Neba yona mihipulo yemwa lipilu za luna, lu ka yo ikalabela ka yona. Na Ku lapela, Mulimu, ka Libizo la Jesu, kuli U kenisize pilu kaufela yeliteni moo. Kenisa pilu yaka, kenisa lipilu za sicaba se. Mi lu itukise, Mulena, mi cwale meeto a luna a moyo akwaluhe busihu boo kuli lubone Kanya ya Mulimu Yamata kaufela. Lu utwile ka za Hae, O Mulimu Ndate, lu lapela kuli Ulu lumeleze lu Mu bone. Lumeleza cwalo, Ndate. Alaba limbuyoti zee, Na lapela, ka Libizo la Jesu Kreste. Amen.

²⁰⁷ Muhupule: Mwa pilu ya hao, fo inzi foo, eza kataala nyana. Uli, “Mulena Jesu, taha mwa pilu yaka cwale. Uni fe sesiñwi kuli . . . sesiñwi se Ni kona ku kumalela. Tuhela ni utwe susumezo yani ye ni bulelala kuli U ‘teni.’”

²⁰⁸ Cwale, ha ki pulelo ni yeo kwa sicaba! Ha ki—ki nto ni yeo kwa kueza! Cwale Ni ka kupa Mulena Mulimu, kukupa . . .

²⁰⁹ Ki ba bakai ba mina baba shimbanga matepu? Mu utwile yakuli: *Ki Nako Mañi, Shaa?* Kana lubonisize mitende yani ya magazine ni zeñwi, mwaha mane lisika ezahala kale? Sayansi i nyatezi fateni. Nekuna ni Mulena Jesu ya apezi mushukwe ni milili yesweu yani sina mo mu bonela mwa Bibele, mwa Sinulo 1, ni mwa Daniele, Muatuli Yapahami wa Lihalimu ni lifasi. Ona fani, kanti mane sayansi haikoni neba ku Li bona bona kasibili. Mi mwa libaka za lipatisiso, kwani mwa University ya Arizona ni kuyopunya kwa Mexico, basweli kubata, bibile cwalo seli myaha yemibeli yefitile. Mi kwani ne mu bulelzewi, kuli li “ka ezahala,” kale.

²¹⁰ Kucwani he ka za zikinyeho ya mwa Alaska? Mubone Hollywood haiwela mwa liwate! Mutualime mi mubone haiba halina kuezahala. Hasika ni bulelala kale sika se si fosahalile fateni, li ka ezahala. Mwabona? Mi amutalime fela mi bone haiba ha lu pili mwa lihola za kukwala kwa litaba za kale. Hakuna mutu yaziba hola Ya taha ka yona. Kono Ni ziba nto iliñwi: Na lumela, mwa buino bwa kacenu, haiba Ni inzi hande ka minahano, mi kambe Ne ni si Mukreste, Ni tabela kuba Mukreste wa niti wa Bibele, isiñi wa kopano. Usike wa tiyela fakuli u huwile. Lu utwile cwalo kakusasana cwana, ha li pakilwe ka Linzwi la Mulimu; kamukana zona lizwelela mwa tato ya Mulimu, halisika eza taba isili konji kutisa lifu. Musike mwaba mwa lutaka, amube mwa Bupilo. Mwabona? Mube ni tumelo ku Mulimu.

²¹¹ Kana mu lumela kuli Mulimu yana file sepiso ye, yena Kasibili yana bonahalile, mwa Buka ya Genese, ni kubonahala ku Abraham ni kueza makazo yani . . . Yena Mulimu yaswana yani aezwa nama, nama ya butu, apepwa ki mwalanjo. Wani neli mubili wa bungeloi kwani, eeni shaa, kono he Ha taha mwa mubili wa nama mi aba Muuna ya swana, ni kueza lika

zeswana, . . . Kana ha mulumeli kuli haiba Mulimu na kanga mutu, ya Na sepisize kunga ka Malaki 4, ka nzila ya Na ka bulela ka yona, Na ka eza lika zewana za Na bulezi kuli Uka eza kwani? Kikuli mwa lumela cwalo? Ni lumela kuli Na ka eza, nina.

²¹² Kana mulumela kuli nemukaba ni tumelo ya kuswala sapalo sa Hae, tumelo ya Hae kuswala sapalo? Kana mulumela ona fa cwana kuli kuna ni se si ambola kwa lipilu za mina se si ka mi bulelela kuli muna ni tumelo ya kuswala sapalo sa Hae? Mu lumela kuli nemuka eza cwalo? Muyeme ni kuswala ka tumelo ya mina he, isiñi ka maikuto, kono ka tumelo yende, ye kenile. Mubulele fela kuli, “Mulena, Na lumela. Ni lumela ka pilu yaka kaufela. Ni bata kuli U ni swale kakuli Ni—Ni utwile kuli U liezize, cwale Ni bata kulibona ka meeto aka tota.”

²¹³ Mi Ha nikoni ku mi swala. Si lwalla Mulimu kuli amiswale. Mwa lumela kuli Uka eza cwalo? [Kopano ili, “Amen.”—Mu.]

²¹⁴ Ni sweli kutalima kwa neku la nzoho kwanu. Ku bonahala inge kuna ni sikuka, mukwa o cwalo, sina ha Ni bulezi, o hohela neku lani. Bakeñisa kuli Ni li talimisize neku lani, cwale silwala lika zende. Ki kalibe yainzi fani muuna hae. Ha zweleli kwanu. U zwa kwa Texas, Dallas. Wa kula, ni muuna hae wa kula ni yena. U katazwa ki butata, ubile ni kupazulwa. Yeo ki niti. Muuna hae ukatazwa ki mukokoto, butuku bwa mukokoto. Bo. Corbet ni Bo. musala bona, kuzwa kwa Texas; Dallas, Texas. Haiba ku cwalo, nanula lizoho la hao. Na ni muenyi ku mina. Nji hak i cwalo? Hakuna mukwa o ni kona kuziba ze ka ona. Ki sikamañi? “Ni utwile za Hao ka zebe, cwale Na Kubona.” Mwabona se Ni talusa? Cwale mubuze bubeli bwa bona. Na li kuba ni ba bone fateni mwa bupilo. “Ni utwile za Hao ka lizebe, Cwale Na Kubona ka liito laka.”

²¹⁵ Haiba mukona kulumela, Mulimu wakona kulukisa ze mutokwa.

²¹⁶ Muuna yani yainzi fani ni lizoho la hae fa silelu, ni butuku bwa mali bwani. Wa lumela kuli Mulimu uka kufolisa, muñaka? Wa lumela? Wena yainzi ni lizoho la hao sina *cwana*, u lumela kuli Mulimu uka kufolisa kwa butuku bwa shuka yeo mwa mali? Nanula lizoho la hao, haiba u lumela Cwalo. Ku lukile, Wa lumela. Na li kuba ni bone muuna yo mwa bupilo bwaka, Hakuna ze Ni ziba ka yena. Kono u utwile kuli Jesu ubulezi, mo mwa Bibele, kuli Uka eza lika zeo, cwale wa libona! Mwa bona se Ni talusa? “Haiba ukona kulumela, lika kaufela za konahala.” Ki kubona feelsa ba balumela! Si lwalla, tumelo ya luli kueza cwalo. Kono haiba mukona ku Li lumela, Mulimu wakona ku li kondisa.

²¹⁷ Kuna ni kalibe yainezi kwa mulaho kwani, ya ni talimela, una ni kolu fa mumizo.

²¹⁸ Kalibe yainezi bukaufi ni yena, yainzi bukaufi ni yena, kuli autwisise, kalibe yani fani una ni kumata hahulu kwa mali, ni yena. Yeo ki niti.

²¹⁹ Kalibe yainezi bukaufi ni yena, una ni—ni butata, ni yena. Mi hazweleli kwanu, uzwelela kwa Arkansas. Ba lipalelwa. Maa Phillips, lumela ku Mulena Jesu Kreste mi ufoliswe! Kana wa Mu lumela? Ka pilu ya hao kaufela? Wa I amuhela? Kuluhile. Kona kuli wakona kuba ni yona.

Cwale mu li, “Zeo liipitezi.” Batili! Batili!

²²⁰ Jesu naize, “Libizo la hao ki wena Simoni, ki wena mwana Jonasi.” Kana ku cwalo?

²²¹ “Ni utwile za Hao ka zebe yaka, cwale Na Kubona ka liito laka.” Cwale ha muboni se si ezahalile? Kuna ni fela yainzi faani, yatalima, wa lumela, wa sepa, mi ona foo feela za ezahala. Mwabona?

²²² Wa ikutwa hande, mwana, busihu boo, kufita mo no utwela maabani busihu? Wena yainzifafasi? Ku lukile cwale, ukaba fela hande (uh-huh). Naliteni mo maabani busihu, inza opa toho ni lika kaufela; cwale, busihu boo, ubonahala inge mucaha ya iketile. Mwabona? Na lyangani nyana ka litaba zee, kono kaufela liotolohile hande cwale. Mwabona? Likaba fela hande. Mwabona? “Mi ka lizazi lani, Mwana mutu ha patululwa, mwabona, bukaufi fela Sodoma isika ciswa kale.”

²²³ “Ni twile za Hao ka zebe yaka, cwale Na Kubona ka liito laka. Ni utwile Jesu Kreste abulela kuli U sepisize cwalo, Ni bona sepiiso yeo ha italelezwa hande cwale.” Mwabona? “Ni utwile za Hao ka zebe yaka, cwale Na Mubona ka liito laka.” Ki ba bakai baba lumela kuli ki Yena? (O Mulimu!)

²²⁴ Cwale, ha lusali moo...seli busihu cwale. Kamuso busihu lukaba ni sebelezo yetuna ya foliso. Lu kulubela Muzwale Moore ni Na kuyema mo ni kulapelela mutu kaufela ya tabela kutaha mwa mukoloko. Kono Ni hupula kuli ka kuambola ze busihu cwana, Ne ni ka biza fela pizo ya kwapili. Kono cwale Na hupula kuli, “batili,” Ku bulezwi mwani ku, “Ni utwile za Hao ka lizebe, cwale Ni bata ku Kubona ka liito laka.” Cwale Utensi mo. Kikuli mwa lumela cwalo?

²²⁵ Cwale ha lu beyeni mazoho aluna ku yomuñwi ni yomuñwi. Cwale, muhupule, yena Ya swana ya na sepisize kuli Uka eza *se*, naize, “Lisupo ze li kaya ni baba lumela.” Kikuli Na Li bulezwi nji? U balumeli nji? Muli, “Amen.” Kihande, he, yena Mulimu yaswana yanafile sepiiso yemubona Yaswelli kueza cwale,.... Mubuze ufi wa sicaba se kaufela, Na li kuba ni ba bone, hakuna ze ni ziba ka bona. Ne ni si ka ba ziba ona fa, mwabona, hakukonahali kuli ni zibe. Kono Liñolo lani lina ni kutalelezwa! Kihande, haiba zeo li talelezwe, libonisa kuli lumwa linako za maungulo, luka ziba kuli Mwana mutu ufa kaufi ni ku...ku

taha, kakuli Usweli ku Ipatulula mwa mubili wa nama. Kana ku cwalo?

²²⁶ Mi lu ziba kuli ki niti, mi mubulela kuli mwa lumela ku Yena, mi mubeile mazoho amina ku mañi ni mañi. Mi haiba mazoho a mina abeile ku mutu ni mutu, yena Mwana yaswana wa Mulimu yani uteni mo kueza *se* kuba sa niti mwa meeto a mina, yena Mwana yaswana uteni mo kuli abulele kuli, “Ba ka foliswa!” Yena Mwana Mulimu yaswana! “Ni utwile Ha bulezzi kuli, ‘Haiba balumeli ba ka kambekana mazoho, ba kafoliswa.’ Ni li utwile ka lizebe zaka, cwale ni libone ka meeto aka. U sepisize kueza cwalo.”

Cwale haninze Ni lapela, mu lapele.

²²⁷ Mulena Jesu, ka Libizo la Mulena Mulimu wa Lihalimu, lumeleza Moya wa Hao ukene mwa pilu ya sicaba see; yona tumelo sakata ya Mulimu yani, ye ka paka sepiiso se kubona. Mi cwale Mulimu wa Lihalimu afolise mañi ni mañi wa bona, habanze ba utwela litaelo za Hao ka kubeya mazoho abona ku yomuñwi. Ha kube cwalo, Mulena. Ka Libizo la Jesu Kreste, lumeleza kuli kube cwalo, kwa kanya ya Hao.

²²⁸ Cwale, naa mwa lumela kuli muamuhezi ze mu kupile? Kana kuna ni sesiñwi mwa pilu za mina se si mi bulela? Kana muikutwa kuli susumezo nyana, ili, “Kiñi, kufelile! Ku petahali!”?

²²⁹ Litaelo za Mulimu libulezi kuli lwakona ku li utwa ka lizebe zaluna, cwale lwakona ku libona ka meeto a luna. Jobo naize, “Ni utwile za Hao ka kuutwa kwa zebe, kono cwale Na Kubona ka meeto aka.”

²³⁰ Cwale, mu li utwile ka Linzwi, ka ku utwa kwa Linzwi, “Tumelo itaha ka kuutwa, kuutwa Linzwi.” Cwale mwa Li bona ha li peta, ka meeto a mina! Cwale, yena Mulimu yaswana yana bulezi cwalo, litaba ze halibata kunga sibaka, kuli “balumeli ku Se baka beya mazoho abona fa bakuli mi ba kafoliswa.” Cwale kana liwezi mwa lipilu za mina kuli mu “folisizwe”? Amunanule mazoho amina haiba liezahalile. Amen! Yeo ki foliso ya niti ya buapositola. Mutualusa cwalo? Mwa lumela ka lipilu za mina kaufela? Halelulaya! Kona fela ze lutokwa.

Ha lu yemeñi ni ku Mu fa milumbeko, kanti.

²³¹ Ni Itumezi, Mulena Jesu. Kufuyolwe Libizo la Mulena.

Ni ka Mulumba! Ni ka Mulumba!
Mulumbe Ngunyana ye shwezi muezalibi;
Mu Mufe kanya, kamukana mina sicaba,
Kakuli Mali a Hae atapisize masila kaufela.

²³² Cwale, kana mwa Mu lata? Cwale ki fo, kaufela hamoho, mu Mufe kanya, kamukana mina sicaba. Cwale, amutalime, haiba zeo li patuluzwi ku mina ka Mulimu, mwa mukoloko ono ne mupilisizwe ka ona, mwa mukwa oswana o mi bulelezi “kuli

mu pilisizwe,” mukwa o swana o Mulimu azamaile ku ona, sina mwa Na ezelize ka Jobo ni bapolofita, U zamaile ka mina ka muzamao wani sina Mukreste, ka sinulo ya Hae ye Pahami kuli “mu folisizwe,” kipeto hakuna se si ka li paleliswa kuezahala.

Kacwalo lwa Mu fa kanya, kamukana mina sicaba,

Kakuli Mali a Hae atapisize kamukana...
(Kukakanya kaufela; atapisize ku kakanya kaufela.)

Ni ka Mu lumba! Ni ka Mu lumba!

Mulumbe Ngunyana yetabewzi muezalibi;

Mu Mufe kanya, kamukana mina sicaba,

Kakuli Mali a Hae atapisize masila kaufela.

²³³ Oh, kana ha Mu mulati? Ah, ha ki bunde. “Ni utwile za Hao, Mulena, ka zebe yaka, mi tumelo itaha ka kuutwa; kono cwale Na Kubona, Mulimu inza Itibahaza mwahala sicaba sa Hae sina mwa Na ezelize ku Abrahama, ka sepiso ya Hae fa kuli Mwana mutu uka Ipatulula mwa mazazi ao lifasi likaba mwa buino bwa Sodoma.”

²³⁴ Mi nekuna ni balumiwa babalalu bene baile, babazwa kwa Lihalimu.

²³⁵ Mi nekuna ni sikhata sa kopano kulo mwani mwa Sodoma, mi Billy Graham ni Oral Roberts baye teñi kwani. Mi muhupule sina ha Ni mi bulelezi, hakuna mwa litaba za kale za keleke fo kukile kwaba mulumiwa yana lumewzi kwa keleke ya silundwamanji, kufitela cwale, wa libizo le lifela inge Abrahama, h-a-m. G-r-a-h-a-m, litaku ze silezi, kwa lifasi, nombolo ya mutu.

²³⁶ Kono Abrahama nana ni litaku ze sebene mwa libizo, nombolo ya Mulimu yepetile mi yekwanile. Mwabona?

²³⁷ Mi mulemuhe zene ba ezize balumiwa bene bazwezi kwani: ba kutaza Linzwi, ba ba bizeza kwande, baba bulelela kuli ba bake.

²³⁸ Konohaili Yena ya Na siyezi ni Abrahama, mwabona, aeza makazo ka kubulelela Abrahama sa na eza Sarah ni kunahana mwa tende kwa mulaho wa Hae. Mi Jesu, Yanali Yena luli ku Mutu yoo, ali, “Lifasi ha li ka kena mwa buino bwa Sodoma, sina mo ne kuinezi linako zani, Mwana mutu uka patululwa hape.” Mane ni Mañolo asili kaufela apaka zeo kuba cwalo. Ki... “Kwa simuluhu nekuna ni” [Kopano ili, “Linzwi,”—Mu.] “mi Linzwi na li ku” [“Mulimu,”] “mi Linzwi neli” [“Mulimu.”] “Mi Linzwi aezwa nama mi ato yaha kuluna.” Kana ku cwalo? Cwale lubona lona Linzwi la sepiso lani, la Luka, la Malaki, lisepiso zeñwi ze kaufela kuzwa kacenu, aeza nama, lipila mwahala luna, le lu utwile ka lizebe zaluna; cwale lwa Mubona (ka meeto aluna) inza toloka Linzwi la Hae Tota, ha lutokwi toloko ifi kaufela

ya mutu. O Keleke ya Mulimu yapila, mo ni kwa mawaile, ha muzuhe kapili, nako isika fela kale! Mulimu ami fuyole.

Na Mu lata, Na Mu lata
Kakuli U ni latile,
Ni kuleka puluso yaka
Fa kota ya Kalvari.

²³⁹ Munahane fela keleke, kuli musweli kutilima ka meeto amina... Linzwi lelipila la Mulimu le li bonahalile, sepiso ya hola, mwa mazazi a maungulo, mutualimela ka meeto a mina fa Linzwi le lipila leli tolokilwe mwa buino bwa nama, Mulimu mwahala luna! “Ni Mubona ka meeto aka luli, Yena luli... Ni utwile kuli Uka eza cwalo.” Baituti ba bunangu kaufela ba kale ba libelezi lizazi lee, cwale lwa Libona ha li ioponahaza ka meeto a luna tota. Ki ba bakai ba Methodist bakale baba huwanga, ba Baptist, ni mapentekota ba niti, mwa lusika lwa bona, baba lakalize kubona se ha si ezahala! Buñata bwa bona nebaziba kuli si ka ezahala. Kono luyemi busihu boo lubona ha si ezahala! Oh! Kana ha mu Mulati nj?

²⁴⁰ Cwale, Jesu naize, “Ka se batu booke bakaziba kuli mu balutiwa ba Ka, ha mu latana.” Kacwalo hanze lu Mu lata, ha lu swalaneñi mwa mazoho ni kuopela kuli *Ni Ka Mu Lumba! Ni Ka Mu Lumba!* Ku lukile.

Ni ka Mu lumba! Ni ka Mu lumba!
Oh mulumbe Ngunyana yetabewzi muezalibi;
Mu Mufe kanya, kaufela... (Mu eza cwani?)...
sicaba
Kakuli Mali a Hae atapisize masila kaufela.

²⁴¹ Mulena wa musali wakwa Belteshazare nabulezi sikamañi fapila mulena hae busihu bwani? “Kuna ni muuna mwa mubuso wa hao ya feza ku kakanya kwa hao kaufela.” Mi Moya o Kenile, busihu boo, ki yena Mufelisi wa kukakanya! Kana mwa lumela cwalo? (Ubata sikamañi? Oh, zeo kaufela li lukile.) Mufelisi wa kukakanya! Cwale, Mali a Kreste atakula masila kaufela, masila a kukakanya. Hakuna sibi sesituna hahulu mwa lifasi kufita ku sa lumela, “Kakuli ya sa lumeli, u sa atuzwi kale!” Ka ku cwalo? “Ya sa lumeli u sa atuzwi.” Kuna ni fela sibi silisiñwi, mi seo ki ku salumela. Kuzuba ha ki sibi, kulwaha ha ki sibi, kueza boozwa ha ki sibi, kupuma ha ki sibi; zeo ha ki libi, zeo ki linepo za ku sa lumela. Kusa lumela! U eza zeo kakuli ha u lumeli. Kambe no ka Li lumela, nosike kulieza.

²⁴² Oh! Oh! Sikamañi... Bunde! Mi Mali a Ngunyana a tapisize kukakanya kaufela. Lu lumela Linzwi la Hae, hande kusina kukakanya. Lu lumela kuli Linzwi ne li ezizwe nama. Mi lu lumela kuli Linzwi *li* ezizwe nama ka ponahazo ya Pata ya Hae cwale kuto paka Linzwi la Hae. Kana mwa Li lumela? Mulimu ami fuyaule.

²⁴³ Lu sepa ku mibona mo kakusasana, ka nako yende ku Mulena. Ha muinamise litoho za mina cwale, mi Ni fa sebelezo ku Muzwale Lindsay.



Ni Utwile Kono Cwale Na Bona LOZ65-1127e
(I Have Heard But Now I See)

Liñusa le ka Muzwale William Marion Branham, neli kutilizwe lwa pili mwa Sikuwa la Pelekelo manzibwana, Njimwana 27, 1965, ili fa Life Tabernacle mwa Shreveport, Louisiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org